

四庫全書

子部

欽定四庫全書

續名醫類案卷二十四

錢塘魏之琇撰

心胃痛

張子和治一將軍病心痛不可忍張曰此非心痛也乃

胃脘當心痛也

二語為此症點睛然予更有一轉語曰非胃脘痛也乃肝木上乘于胃也

內經曰歲木太過風氣流行民病胃脘當心而痛

風木

為病非肝而何乃與神佑丸一百餘粒病不減或問曰此胃

晚有寒也宜溫補將軍數知張明了復求藥乃復與神佑丸二百餘粒作一服大下六七行立愈矣

治法則非

今人所宜

一婦病心痛數年不愈一醫用人言半分茶末一分白

湯調下吐痰血一塊而愈

李樓奇方若非神手未許輕用

王執中久患心脾疼服醒脾藥反脹用香域所載蓬莖麴裏煨熟研末以水與酒煎立愈蓋此藥能破氣中

之血也

本草綱目王執中資生經

一婦人年三十病心氣痛用小紅花為末熱酒服二錢  
立效又法男用酒水各半煎女用醋水各半煎

摘元  
方本

草綱目

李時珍治荆穆王妃胡氏因食蕎麥麵著怒逆病胃脘  
當心痛不可忍醫用吐下行氣化滯諸藥皆入口即  
吐不能奏功大便三日不通因思雷公炮炙論云心  
痛欲死速覓延胡乃以延胡索末三錢溫酒調下即  
納食少頃大便行而痛遂止

友人言于武昌見一老僧患胃脘痛痛發瀕死其徒亦患之師死遺命必剖視吾心務去其疾果于心間得細骨一條長七八寸形如簪其徒以槌瓶中供師前已數年矣有貴客來遇庵中偶殺鵝喉未斷其童取瓶中骨挑鵝喉凡染鵝血處即化矣徒因悟此理飲鵝血數日胃疾竟除

薛立齋治一婦人久患心痛飲食少思諸藥到口即吐薛以爲脾土虛弱用白朮一味同黃土炒去土每服

一兩以米泔煎濃徐服少許數日後自能大飲用三斤餘而安

上舍陳履學長子室素怯弱產後患疔瘡年餘不愈因執喪旬月每欲眩仆一日感氣忽患心脾高腫作疼手不可按而嘔吐不止六脈微細或見其形實誤認諸痛不可補氣乃用青皮木香五味莫茱萸等藥愈繼復患瘡且墮胎又投理氣行血之藥病雖去元氣轉脫

病家無識舉世甘然

再投參芪補劑不應矣六脈如絲欲

絕迎薛至診之曰形雖實而虛極反用理氣之劑損其真氣故也連投參芪歸芍術附子薑桂二劑間用八味丸五日寢食漸甘六脈全復此症若心脾疼痛時即服此等藥瘡亦不作矣

龔子才治一人心胃刺痛手足稍冷出汗指甲青百藥不效以當歸三錢煎湯用水磨沈香烏藥枳殼調服乃立止

一教諭年五十一因酒食過飽胃脘作痛每食後其氣

自兩肩下及胸次至胃口痛不可忍令人將手重按  
痛處移時忽響動一聲痛遂止如是八年肌瘦如柴  
診之六脈微數氣口稍大有力以神佑丸一服下之  
其痛如失後以參苓白朮散調理復元

程沙隨在泰興時有一乳娘因食冷肉心脾脹痛不可  
忍錢受之以陳萊菔五六十丸水一盞煎取汁去渣  
入官局平胃散三錢再煎熱服一服痛止再服無他  
云高宗常以此賜近臣愈疾甚多真奇方也

槎  
卷  
小  
乘



孫文垣治張二尹近川始以內傷外感過服發散消導之劑致胃脘當心而痛診之六脈皆弦而弱法當補而斂之白芍五錢炙甘草三錢桂枝一錢五分清附一錢大棗三枚飴糖一合

小建中加香

附煎服一劑而瘳

族弟應章胃脘當心而痛手不可近疑有瘀血使然延胡索五靈脂丹皮滑石川芎當歸甘草桃仁桔梗香附臨服加韭菜汁一小酒杯其夜痛止則睡飲食亦進惟大便秘下墜逼迫不安此瘀血已動欲下行也前

劑去韭汁一帖全安

吳鶴洲如夫人病胃脘痛醫有認為蟲者認為火者又有認為痰為氣為食為虛為血為寒者百治不效孫

診之兩手大而無力皆六至曰肝脾相勝之症耳

胃脘

何以以白芍為君惡熱而痛加黃柏效此法則萬全

云脾

矣白芍四錢一半生一半炒伐肝補脾為君甘草二錢一半炙一半生緩肝養脾為臣山查為佐黑山梔五靈脂各一錢止痛為使三帖而愈

吳仲元患胃腕痛痛則徹于背以手重按之少止痛時

冷汗如雨脈濇孫曰此氣虛而痛也

此脈濇乃血虛以  
此獨言氣虛

小建中湯加御米穀而愈

仍是  
肝病

李士材治宋敬夫心腹大痛偃僂不能仰自服行氣和

血藥罔效其脈左滑而急其氣不能以息偶一咳攢

眉欲絕為心症無疑以生薑飲粥取小茴香川楝子

青木香廣木香吳茱萸木通延胡索歸身青皮一服

而痛減五日而安

通醫

李長蘅吳門舟次忽發胃脘痛用順氣化食之藥勿效  
李診之曰脈沈而遲客寒犯胃也以參蘇飲加草豆  
蔻三錢煎就加生薑自然汁半碗一服而減二服而  
痊

一人將應試八月初五心口痛甚至不能飲食李診之  
寸口濇而軟與大劑歸脾湯加人參三錢官桂一錢  
彼云痛而驟補實所不敢得毋與場期礙乎李曰第  
能信而服之可以無礙若投破氣之藥其礙也必矣

遂服之不逾時而痛減更進一劑連飲獨參湯場事獲竣

喻嘉言治一人病後胃中隱隱作痛有時得食則已有時得食轉加大便秘甚難小便不暢蓋因肺中津液為火所爍津液未充火勢內蘊易于上燎所以得食以壓其火而安若飲食稍過則氣不能轉運其食而痛亦增蓋火不除則氣不復氣不復則胃中清濁混淆不肯下行而痛終不免也

論症洞  
如觀火

為訂降火生津下

氣止痛方為常用之藥務先收攝腎氣不使外出然後濁氣之源清而膀胱得吸引上中二焦之氣以下

行矣

喻君實有發前人所未發之本願唯欠峻養肝腎一著然此案未行已駁駁乎得之矣

通醫

高鼓峰治一婦人胃痛勺水不入寒熱往來或從火治用芩連梔栢或從寒治用薑桂茱萸輾轉月餘形體羸瘦六脈弦數幾于斃矣高曰此肝痛也非胃脘也其病起于鬱結生火陰血受傷肝腎枯燥迫成痛

色欲之人尤多此病醫復投以苦寒辛熱之劑胃脘重傷其能  
瘳乎急以滋腎生肝飲與之一晝夜盡三大劑五鼓  
熟寐次日痛定再用加味歸脾湯加麥冬五味十餘  
劑而愈

按此病外間多用四磨五香六鬱逍遙新病亦效  
久服則殺人 又用肉桂亦效以木得桂而枯也  
屢發屢服則肝血燥竭少壯者多成勞衰弱者多  
發厥而死不可不知

呂東莊治吳維師內患胃脘痛叫號幾絕體中忽熱忽  
止覺有氣逆左脇上嘔吐酸水飲食俱出或疑停滯  
或疑感邪或疑寒凝或疑痰積脈之弦數重按則濡  
蓋火鬱肝血燥耳與以當歸白芍地黃柴胡棗仁山  
藥山萸丹皮山梔茯苓澤瀉頓安唯胃口猶覺劣劣  
用加味歸脾及滋肝補腎丸而愈

高呂二案持論畧同而俱用滋水生肝飲予早年  
亦常用此却不甚應乃自創一方名一貫煎用北



沙參麥冬地黃當歸杞子川棟六味出入加減投  
之應如桴鼓口苦燥者加酒連尤捷可統治脇痛  
吞酸吐酸疝瘕一切肝病

薛立齋治一婦人心腹作痛久而不愈此肝火傷脾氣  
也用炒山梔一兩生薑五片煎服而痛止更以二陳  
加山梔桔梗乃不發

孫文垣治周蘆汀乃眷患胃脘痛嘔吐不食者四日晝夜  
號呼不絕脈則兩手俱滑數

故作實治

曰當以清熱指為

先乃先與末子藥二錢令服之不一飯頃痛止而睡  
家人色喜曰未也此火暫息也其中痰積甚固不乘  
時下之勢必再作因與總管丸三錢服下腹中微痛  
再服二錢又睡至天明乃寤腹痛亦止大便秘積  
甚多次日以二陳湯加枳實薑黃香附山梔黃連與  
之服後胃痛全止惟小腹畧脹蓋痰積未盡也再與  
總管丸三錢天明又行一次痰之下如前胃腕之痛  
遂不發

薛立齋治陳湖陸小村母久患心腹疼痛每作必胸滿  
嘔吐手足俱冷面赤唇麻咽乾舌燥寒熱不時月餘  
竟夕不安其脈洪大衆以痰火治之屢止屢作迨已  
已春發頻而甚仍用前藥反劇此寒涼損真之故內  
真寒而外假熱也且脈息洪弦而有怪狀乃脾氣虧  
損肝木乘之而然當溫補胃氣遂用補中益氣湯加  
半夏茯苓吳萸木香一服熱寢徹曉洪脈頓斂怪脈  
頓除諸症釋然

陸養愚治陸前川素患腸風便燥冬天喜食盆柿致胃  
脘當心而痛醫以溫中下氣藥療其心痛痛未減而  
腸紅如注以寒涼潤燥之劑療其血便未通而心痛  
如刺脈之上部沈弱而遲下部洪滑而數此胃中冷  
而腸中熱也大腸屬金原喜清而惡熱喜潤而惡燥  
況素有腸風燥急之症因心痛而投以辛溫香燥之  
劑能不劇乎脾胃原喜溫而惡寒溫潤之品能不甚  
乎今大便不行已數日矣乃用潤字丸三錢以沈香

三分衣其外濃煎薑湯送下二錢半日許又送一錢  
至夜半大便秘行極堅而不甚痛血減平日十六七少  
頃又便一次微痛而血亦少清晨又便溏一次微見  
血而竟不痛矣惟心痛未舒與臟連丸亦用沈香為  
衣薑湯送之以清下焦熱而潤其燥又以附子理中  
料為散飴糖拌吞之使戀膈而不速下不終劑而兩  
症並痊矣

王肯堂治韓敬堂患胸膈痛脈洪大而濇用山梔赤麴

通草麥芽香附歸芎煎加薑汁竹瀝韭汁童便之類飲之而止一日勞倦恐饑痛大發亟邀王至火房問曰晨起痛甚不能待公服家兄藥下咽如刀割其痛不可忍此何意也曰得非二陳平胃紫蘓之屬乎曰然曰是則何怪乎其增病也夫勞餓而發飽逸則止知其虛也飲以十全大補湯一劑而胸痛止

張三錫治一婦苦胃脘痛每發輒大吐多方不應以鹽湯探吐出積痰碗許痛良愈後常作惡心知胃中有

痰也以橘半枳朮加木香川芎白螺殼南星海粉神麴打糊為丸白湯下錢半未及一半病去如脫

一老嫗姓急胃痛已六日諸辛藥歷試無驗診得左關弦急而右寸更甚其痛一來即不可當少選稍定口乾面時赤知肝氣有餘成火也乃以越鞠加吳茱萸炒黃連薑汁梔子二劑頓愈

一婦胃脘痛幾一月右關寸俱弦而滑乃飲食不節所致投滾痰丸一眼下痰及宿食三碗許節食數日調

養而愈

一 嘔胃痛久諸藥不應六脈微小按之痛稍定知中氣虛而火鬱為患也投理中湯一服隨愈

一 中年人因鬱悵心下作痛一塊不移日漸羸瘦與桃仁承氣湯一眼下黑物并痰碗許永不再發

一 人中脘大痛脈弦而滑右為甚乃食鬱也二陳平胃加山查草豆蔻木香砂仁一服頓愈

一 人中脘至小腹痛不可忍已十三日香燥歷試且不



得卧卧則痛挂上每痛急則脈不見詢之因入房後  
過食肉食而致遂以為陰而投薑附因思其飲食自  
倍中氣損矣况在房室之後宜宿物之不能運化又  
加燥劑太多消耗津液致成燥矢鬱滯不通所以不  
得卧而痛也古云胃不和則卧不安遂以枳實導滯  
丸三錢去黑矢椀許小腹痛減矣又與黃連枳實瓜  
蒡麥芽厚朴山查萊菔子二服痛復移于小腹乃更  
與潤腸丸二服更衣痛除第軟倦不支投補中益氣

湯調理而半月愈

王叔權曰荆婦舊侍疾累日不食因得心脾痛發則攻  
心腹後心痛亦應之至不可忍則與兒女別以藥飲  
之疼反甚若灸則遍身不勝灸矣不免令兒女各以  
火針微刺之不拘心腹須臾痛定即欲起矣神哉

叔權舊患心脾發則疼不可忍急用瓦片寘炭火中燒  
令通紅取出投米醋中流出以紙二三重裹之置疼  
處稍止冷即再易耆舊所傳也後閱千金方有云凡

心腹冷痛熨鹽一升熨或熬蚕沙燒磚石蒸熨取其裏溫暖止或蒸土亦大佳始知予家所用蓋出千金方也他日心疼甚急灸中脘數壯覺小腹兩邊有冷氣自下而上至灸處即散此灸之功也本事方載王思和論心忪非心忪也胃之大絡名曰建里絡胸膈及兩乳間虛而有痰則動更須臾發一陣是其症也審若是又當灸建里矣但不若中脘為要穴云

左傳巫臣以夏姬之故怨子反曰余必使汝疲于奔命

以死于是子反一歲七奔命遂遇心疾而卒則又因  
用心而成疾矣然則如之何平居當養其心使之和  
平疾自不作其次則當眼鎮心丹之類以補養之可  
也若疾將作而針灸抑亦可以為次矣

資生經

一婦人患胸中痞急不得喘息按之則痛脈數且濇此  
胸脾痺也因與小陷胸二劑而愈

一人年二十三歲膈有一點相引痛吸氣皮覺急此有  
瘀血也滑石一兩桃仁五錢黃連五錢枳殼炒一兩

甘草炙二錢為末每一錢半以蘿蔔自然汁煎熟飲之一日五六服

繆仲淳治高存之夫人患心口痛一日忽大發胸中有一物上升冲心三婦人用力捺之不下叫號欲絕存之曾預救求繆立此方是日忽煎服之冲上者立墮下腹中作痛不升矣再服腹中痛亦消二日後以病起洗浴又忽作嘔頭痛如劈存之曰此即前症也煎前藥服之立安白芍炙草吳茱萸茯苓延胡索蘇子

橘紅後加半夏旋覆花木通竹茹

廣筆記

李季虬曰予婦今春忽患心痛連下腹如有物上下撞痛不可忍急以手重按之痛稍定按者稍鬆即叫號仲淳曰此必血虛也脈之果然急投以白芍五錢炙草七分橘紅三錢砂仁三錢炒鹽五分二劑稍定矣又以牛黃蘇合丸疏其氣噯氣數次痛徐解予問故仲淳曰白芍甘草治血氣虛之聖藥也因久鬱氣逆故減甘草之半仲景申已化土之論詳矣諸醫不解

耳炒鹽者何心虛以炒鹽補之即水火既濟之意也  
予懼俗師藥以食積痰火療心腹之痛故疏其詳如

左

上全

昔年予過曲河適王宇泰夫人病心口痛甚日夜不眠  
手摸之如火予問用何藥曰以大劑參歸補之稍定  
今尚未除也曰得無有火或氣乎宇泰曰下陳皮及  
涼藥少許即脹悶欲死非主人精醫未有不誤者予  
又存此公案以告世之不識虛實而輕執方者

上全

劉雲密治一女子值暑月夜間甚涼患心痛從右肋下起至心前歧骨陷處并兩乳下俱痛復連背痛腰及兩膊俱骨縫脹疼唯右肋并心疼獨甚時作惡心且嘔疑夜眠受涼寒邪鬱遏氣不流暢所致用散寒行氣藥不效又疑寒滯中有鬱火加散鬱之品亦不效服加味煮黃丸乃頓愈薑黃三錢五分雄黃三分乳香三分去油淨巴霜八分共為細末醋糊為丸如黍米大虛者七丸實者十一丸薑湯送下經邪氣甚則



實此婦體素虛弱而受寒邪甚則為實唯此辛熱之劑可以導之前所用藥雖亦散而不能及病也其用薑黃乳香亦有深意蓋寒傷血故耳此時珍所謂配合得宜則罔不奏功也

脇痛

實材治一人脾氣虛致積氣留于脇下兩肋常如流水

多服草神丹而愈

原批脾虛致積當用溫行水流脇下當行溫化

王海藏治一婦人先病惡寒手足冷全不發熱脈八至

兩脇微痛治者便以少陽治之陽在內伏于骨髓陰  
在外致使發寒治當不從內外從乎中治也宜以小  
柴胡調之倍加薑棗

許學士云沈存中良方頃在建陽醫者王琪言諸氣唯  
膀胱脇下痛最難治謂保丸能治之熙寧中病頃筋  
骨痛諸醫皆作風治之數月不瘥乃流入于背脊又  
臂牽痛甚吾憶琪語有証乃合服之一服而瘥再發  
又一服立效方用木香胡椒各二錢五分巴豆十枚

去皮心膜研乾蝸七枚右四味共為末湯浸蒸餅為  
丸如麻子大用硃砂為衣每服五丸視諸經痛用引  
送下心膈痛柿蒂燈心湯下腹痛柿蒂煨薑湯下血  
痛炒薑醋湯下腎氣脇下痛茴香酒下大便不通蜜  
湯調檳榔末一錢下氣噎木香下宿食不消茶酒任  
下

朱丹溪治一婦人脾疼帶脇痛口微乾問已多年時尚  
秋用二陳湯加川芎乾葛青皮木通下蘆薈丸二十

粒

張宅張郎氣通自右脇時作時止脈沈而弦小便時有  
赤色吞酸喜嘔出食此濕痰在脾肺間而為肝所乘  
小柴胡湯去黃芩加川芎白朮木通白芍滑石生薑  
煎湯下保和丸三十五粒

一婦人氣暈兩脇胸背皆痛口乾用青皮半夏各五錢  
白朮黃芩川芎各三錢木通二錢五分陳皮桔梗各  
二錢甘草炙半錢右分六帖煎熱服又脇下有食積

一條扛起加吳茱萸炒黃連

孫文垣治徐三泉子每午發熱直至天明夜熱更甚右脇脹痛咳嗽則弔疼坐卧俱疼醫以瘧治罔效已二十餘日後醫謂虛投以參朮痛益增診之左弦大右滑大搏指經云左右者陰陽之道路也據脈肝膽之火為痰所凝必勉強作文過思不決水火之性不得通達鬱而為痛夜甚者肝邪實也初治當通調肝氣一劑可瘳誤以為瘧燥動其火補以參朮閉塞其氣

語云體若燔火汗出而散今汗不出舌胎已沈香色  
熱鬱極矣不急救立見凶危以仲景小陷胸湯為主  
大瓜蒌一兩黃連三錢半夏麴二錢前胡青皮各一  
錢水煎服夜服當歸龍薈丸微下之醫猶爭曰病久  
食不進精神狼狽若此寧可下乎曰病屬有餘有餘  
者瀉之已誤于補豈容再誤哉服後夜半痛止熱退  
兩帖全安

廬山內人胸脇脹痛五更嘈雜則痛更甚左寸關脈洪

滑孫謂此肝膽有鬱火胃中有膠痰乃有餘之病經  
云木鬱則達之又云通則不痛與以當歸龍薈丸一  
錢五分大便行一次痛隨止惟聲不開却是以陳皮  
何故柴胡貝母茯苓甘草白芍酒芩香附杏仁桔梗調之  
而安

學士徐檢老體豐厚善飲致有腸風計下血不下數桶  
因而委頓已卯仲冬右脇極疼痛上至耳後夜分尤  
甚左右不能轉動動則痛甚飲食減面色青汗出如

兩濕透衣被故不敢合睫而睡族醫皆投以香附青  
皮及辛散之劑痛愈甚汗愈多面愈青逆予診之兩  
寸短弱左關弦而搏指右關沈滑六脈皆近七至予  
曰據病在少陽經必始于怒木火之性上而不下故  
上衝耳後而昏痛也夜痛甚者蓋夜屬肝氣用事內  
經云司疎洩者肝也邪在肝膽故合目汗即大出中  
焦原有濕痰此語凡案必闌入法當調肝清熱解毒  
為主毒字鵠突之至魚利小便語亦無因不可遽止汗使

蓋有心注後



邪無出路逆其木火之性不惟痛加且將發腫毒而

害非淺矣內經云膏粱之變足生大疔當預防之

亦非

此症真諦公曰何為斂劑而謂不宜予曰當歸六黃湯內

有地黃當歸黃芪皆滯痰閉氣之味桔梗亦非所宜

經曰下虛者及怒氣上升者皆不可用故當慎也

且將

發腫以下皆  
有心穿柿

因以柴胡黃連為君白芍甘草天花粉

為臣紅花連翹為佐龍膽草為使服後雖仍舊痛即

減三之一不妨腫矣仍用前藥病又減半第三日又

服左右轉動如常飲食亦如予未至公以先迎姑蘇  
盛氏盛公幼時窓友也家世授醫公初不急予曰引  
領期盛到可刈枯剷朽也盛至診畢遂詰曾用何劑  
公出予發劑示盛盛大叫稱謬謂當隆冬之候汗多  
如此陽氣大洩何以柴胡為君唯中痰既未清又何  
不用桔梗當歸六黃湯前賢已試之藥置而不用是  
舍紀律而務野戰也即以六黃湯加桔梗以進據此孫居  
直是神公雅信盛仍傾心以從速煎服之未逾時而舊

病隨作色色加惡

四字  
枝甚

左右復不能轉動自戌至子

丑苦不能支侍者語之曰服孫君藥雖未全可亦已  
去泰去甚彼曾言二藥不可用何為輕犯而受此苦

宜即取孫君藥煎飲飲下即伏枕鼾鼾達旦始寤

柳  
或

未必命使速予至而扣予曰人言隆冬汗出不當用柴

胡而公用為君何旨予曰膽與肝為表裏肝膽之火  
鬱而不發故痛痛極而汗汗出而痛減者是火從汗  
出蓋汗乃邪出之門也予故曰汗不可斂本草云柴

胡瀉肝膽火而以黃連佐之內經云木鬱則達火鬱則發言當順其性而利導之勢則易充古人治火之法輕則正治重則從其性而升之者以此蓋腎貴變通如陰虛火動而汗出者內無有餘邪故以六黃湯斂而降之常治法也今內尚有餘邪未出遽斂降之邪無從出勢必成毒故變常而從治者使邪有出路木火之性不逆則毒不成而痛可減也公曰善哉孫君之劑奇正相生不下孫武子兵法何輕以無紀律

議之願投劑而奏凱也予曰公數日後瘡瘍大發兩  
塊且有興塊作痛此毒出之徵公于時無恐改用柴  
胡白芍甘草丹參苦參茯苓瞿麥車前黃柏連翹金  
銀花服三日而痛全減汗全收左右不難轉動矣逾  
日公謂肌膚痒甚藟藟然似癰疹豈瘡出歟欲以藥  
治之予曰可再三日兩胯果然發興塊如碁子大者  
數枚且痛予業已製蠟礬丸以待至是授服之瘡果  
遍身大發兩腿為甚一月餘而瘳公始信予防毒之

言不謬披懷交歡且作序識勝

何勝云有

期與終身不替

云

未必

是按孫君生平得意筆也然治法非奇行文頗謬  
盈篇猥語滿紙伎心本不入选顧集中收彼棄微  
多悉加節畧獨于此仍其原本以見一斑第亦偶  
然非有心吹索前人之短也

劉默生治諸葛子立脇痛連腰脊不能轉側服六味加  
杜仲續斷不效或者以為不能轉側必因閃挫與推

氣散轉劇劉診之曰脈得弦細乏力虛寒可知與生

料八味丸加茴香四劑而安

醫通

李士材治一人受暑脇痛皮黃發泡清肝破氣之劑俱

不效用大瓜萸一個搗爛加粉炒紅花少許藥入而

痛止

病機  
沙篆

薛立齋治一婦人性急吐血發熱兩脇脹痛日晡益甚

怒氣傷肝氣血俱虛也朝用逍遙散倍加炒黑山梔

黃栢貝母桔梗麥冬夕以歸脾湯地黃丸而愈

龔子才治一婦人口苦脇脹此肝火也用小柴胡加黃連梔子少愈以四君子湯加當歸白芍柴胡調理脾胃而瘥

吳孚先治蔣氏婦善怒兩脇作痛歷有年所醫用補脾伐肝不應脈之左關細濇右脈無病此肝勝則尅脾敗則自困補尚嫌緩何伐為乃與四物湯加阿膠玉竹棗仁枸杞令服三十劑脹減七八又服全膠

柴嶼青治侍衛范諱弘賓太夫人吐痰脇痛飲食無味



告以肝病一二十年矣率服平肝之藥凡香附鬱金

等各服過數斤

此二味為治肝病要藥然用之氣病則可矣用之血病則與干將莫邪無

異也今為我理肝氣可也柴曰肝脈已虛理無再用

伐肝况腎肝同治乙癸同源自應滋腎養肝為主先

服加味道遙散二劑即以八仙長壽方進太夫人曰

熟地膩膈恐勿堪用柴曰此方熟地直走腎家斷無

膩膈且風以散之必需雨以潤之服後果驗調理數

月而康

按二地臍膈之說不知始自何人致令數百年來人皆畏之如虎俾舉世陰虛火盛之病之死而不敢一嘗迨以瀕危始進三數錢許已無及矣竊料其人此時必猶在阿鼻地獄也

朱丹溪治楊淳三哥舊有腎氣上引乳邊及右脇痛多痰有時膈上痞塞大腑必秘平時少汗脈弦甚與保和溫中各二十九丸研桃仁郁李仁吞之而愈

綱目

陳三農治一人右脇痛引背口乾舌燥上身發熱腰以

下俱冷右關尺不起此血虛氣無所附宜用溫藥行  
動其氣使氣有所歸水升火自降矣用乾薑肉桂各  
五分當歸一錢吳茱萸半分鹽水煮煎服上身熱退  
下體溫暖陽氣漸回但食難消化此元氣未復耳理  
脾胃為主養血次之胃氣一轉諸病自愈用參苓歸  
朮各一錢薑桂各五分神麴六分陳皮四分炙甘草  
三分漸愈

一人遇勞與饑則脇痛用八珍加牛膝木瓜山藥石斛

苡仁棗仁栢子仁桃仁數服頓愈一人同此醫投平  
肝藥痛甚而殞謹錄之以為世戒

一人痛引腰脇脈弦數有力知肝火鬱結也投龍薈九  
五十粒頓愈

大還

立齋治一男子脾胃不和服香燥行氣之劑飲食少思

兩脇脹悶服行氣破血之劑致飲食不入右脇脹痛

喜手按之

虛症可知

曰乃肝木尅脾土而脾土不能生肺

金也用滋化源之藥四劑諸症頓退又曰火令在通

當再補脾土以養肺金不信後復作吐膿而死

王肯堂治雲中秦文山掌教平湖因勞患兩脇滿痛清  
晨并饑時尤甚書來求方知其肝虛當母子兼補令  
用黃芪白朮當歸熟地川芎山萸山藥栢子仁之類  
佐以防風細辛各少許薑棗煎服不數劑而愈王客  
長安時聞魏崑濱吏部之變因投謁恐饑歸而脇痛  
無他苦也而粗工以青皮枳殼之類襍投之遂致糾  
纏不痊可不監哉

朱丹溪治壽四郎右脇痛小便赤少脈少弦不數此內  
有陳久積痰飲因外感風寒所遏不能宣散所以作  
痛與龍薈丸三十五粒細嚼薑片以熱湯下服後脇  
痛以安小便尚赤少再與白朮三錢陳皮白芍各二  
錢木通一錢半條芩一錢甘草五分薑三片煎熱飲  
之

方提領年五十六因飲酒後受怒氣于左脇下與臍平  
作痛自此以後漸成小塊或起或不起起則痛痛止

則伏面黃口乾無力食少吃此物便噉此味轉惡風寒脈之左大于右弦濇而長大率左甚重取則全弦此得熱散太多以致胃氣太傷陰血下衰且與和胃湯以補胃氣滋養陰血并下保和丸助其化粕伺胃實陰血稍充却用消塊和胃方人參三錢白朮錢半陳皮一錢白芍歸身各五分乾葛三分紅花豆大炙草二錢作一帖下保和丸二十五龍薈十五

琇按此症全屬肝傷木反尅土其塊隱現不常乃

虛氣也時師多以香燥辛熱治之促人年壽余治此不下數十人悉用一炆湯加川楝米仁萸仁等不過三五劑其病如失若立齋多用加味逍遙散鼓峯云峯輩多用滋水生肝飲皆不及余法之善薛立齋治崑庠馬進伯母左胛連脇作痛遣人索治意此鬱怒傷肝脾用六君加桔梗枳殼柴胡升麻彼別用瘡藥益甚始請治其脈右關弦長按之軟弱左關弦洪按之瀋滯乃脾土不及肝木太過因飲食之毒



七情之火也遂用前藥數劑脈症悉退再加芎歸  
全愈此等症誤用敗毒行氣破血導痰以致不起者  
多矣

一男子因怒脇下作痛以小柴胡湯對四物加青皮桔  
梗枳殼治之而愈

內翰李蒲汀太夫人左脇內作痛牽引胸前此肝氣不  
和尚未成瘡用小柴胡湯加青皮枳殼四劑少可再  
加芎歸治之愈

張景岳治一嫺家年力正壯素飲酒常失饑傷飽偶飯  
後脇肋大痛自服行氣化滯等藥復用吐法盡出飲  
食吐後逆氣上升脇痛雖止而上壅胸膈脹痛更甚  
且加嘔吐張用行氣滯破氣等愚嘔痛漸止而左乳  
胸肋之下結聚一塊脹實拒按臍腹隔閉不能下達  
每戌亥子丑之時脹不可當因嘔吐既已可用下愚  
凡大黃芒硝稜莪巴豆等及蘿蔔子朴硝及大蒜菴  
等法毫不應愈攻愈脹勢所必然因疑其脾氣受傷用補

尤覺不便

極庸

湯水不入者二十餘日無計可施只得

用手揉按其處覺肋下一點按著痛連胸腹細為揣

摩正在章門穴章門為脾之募為臟之會且乳下肋

間正屬虛里大絡乃胃氣所出大路而氣實通于章

門因悟其日輕夜重本非有形之積而按此連彼則

病在氣分無疑

猶屬盲猜

乃用神香散令日服三四次兼

用艾火灸章門十四壯以逐散其結滯之胃氣

到底未知

為肝病

不三日脹果漸平食乃漸進始得保全

幸矣

此具

症治俱奇誠所難測哉

琇按張君生平于薛氏諸書似未曾寓目至脇痛由于肝脈為病至死未知良可哀也此症之愈全在一灸與呃逆病諸治不效灸虛里立止正同未選

黃古潭治一人六月途行受熱過勞性且燥暴忽左脇痛皮膚上一片紅如碗大發水泡瘡三五點脈七至而弦夜重于晝醫作肝經鬱火治以黃連青皮香附

川芎柴胡之類進一服其夜痛極且增熱次早視之  
皮膚上紅大如盤水泡瘡又加至三十餘粒醫教以  
水調白礬末數仍以前藥加青黛龍膽草進之夜痛  
更甚脇中如鉤摘之狀次早視之紅已半身水泡增  
至百數乃載以詢黃為訂一方以大瓜萐一枚重一  
二兩者連皮搗爛加粉甘草二錢紅花五分進藥少  
頃即得睡比覺已不痛矣蓋病勢已急而時醫執尋  
常瀉汗正治之劑又多苦寒益資其燥故病轉增劇

水泡瘡于外者肝鬱既久不得發越仍侮所不勝故  
皮膚為之潰也瓜萋味甘寒經云泄其肝者緩其中  
且其為物柔而滑潤于鬱不逆甘緩潤下又如油之  
洗物未嘗不潔此其所以奏功之捷也歟

全上

闡發瓜萋之功此案為是然猶未盡其蘊

吳橋治陳臬中年兩脇極痛楚冷汗淋漓伏枕惛惛嘔  
逆絕勺飲者六日矣乃延橋診之曰無傷此畜血爾  
家人曰固也昔者嘔血數升即有畜且盡矣曰畜未

盡爾盡則當瘥日暮乃投補中行血一劑飲之僅內  
其半中夜尸寢家人升屋而號橋曰子之半陽當回  
故寢以需來復復則敗血行矣第具人參湯待之雞  
鳴而甦大汗大吐大下下則垂垂滿器如腐肝敗骨  
乃進參湯大汗漸止又七日乃復初或問畜血而腹  
不鼓何也且昔嘔血數升其後何畜之多也曰病得  
之怒而傷肝或以蹶而畜血傷肝則血不納畜血則  
道不通猶之溝澮塞流則新故皆壅矣故多也

太  
函  
集

汪雲程年近七旬患胸脇痛轉側滋甚寒熱交作喘咳煩躁再信不能伏枕醫下之病益深橋診之六脈浮滑大而搏指曰病得之過飲且下故火上炎以清涼

一服而愈

太函集

范康侯年弱冠患脇痛已六七年更醫既屢轉益羸瘠食少而氣餒言嬾而神疲稍遠行則心下怦怦然遇勞則脇間如裂就予診告以初時但腹脇痛醫與逍遙散暫愈再發再服不應矣更醫投四磨飲亦暫愈



再發再投亦不應矣又更醫用五香散越鞠丸則愈而即發自是腹中忽有塊再更醫以為痞積進青皮厚朴五靈脂延胡索之類塊益多時隱時現上下左右約五七枚如拳如掌往來牽痛近有老醫謂為虛也用當歸白芍香附鬱金之類服之了無進退予曰似君之疾遍宇內矣誤治而斃者可勝道哉蓋古來方書于此症殊無肯綮無異乎世之夢夢也原其誤人之始只肝補法四字遂使千萬生靈含冤泉壤或

以疎散成勞香燥成膈或以攻伐成鼓或以辛熱成  
癰其于變症必難盡述幸子青年稟賦厚而未婚僅  
若此否則不可言矣今據脈已細數弦瀉臟氣虧幸  
不數且無咳嗽夜熱猶可為第服吾劑只可希遠效  
而不可求近功耳與生熟地沙參麥冬杞子棗仁等劑  
畧安至數十劑塊漸減遂以方為丸服數年益就痊  
可今已娶第能樽節庶無後患也蓋此症唯兩儀膏  
最妙然有力者始能用之

方某年三十餘因析筋闕牆脇痛左肋下有塊如盤按之堅硬食下則脹痛甚不能側卧百治莫應枯痺如柴矣偶于藥肆遇人謂之曰此病唯淳佑橋魏某能治因就診脈之弦且急曰肝舉症肝葉左三右四血足則潤而下垂今怒火傷陰其葉燥硬故舉而不下也經曰肝病則迫胃逆咽故左葉張則支腋而不可側卧右葉張則侵腕而不能容食昧者不知投以香散則如火上添油耳與生熟地沙參麥冬萸仁米仁

杞子川棟十餘劑其病如失

詹渭豐母年六十餘九月間瘡後自汗余已愈之至十一月脇痛大作醫以加味黑逍遙散治之未為誤也服一劑至夜分忽暈厥欲脫蓋柴胡白朮皆非陰虛火盛之人所宜進也黎明急于治脈之兩關俱伏兩尺極微足冷過膝面如紙灰云初起左脇痛服藥後忽移于右遂發厥厥雖止而痛劇不可轉側痛處不可按察其舌燥硬如乾荔已危矣姑與生熟地杞子

各五錢沙參麥冬各三錢服下痛畧減前方加倍再入米仁五錢萸仁二錢其痛乃復歸左脇能轉動矣仍服前方數劑而愈余常治數貧人感症後不能起坐不能進食宛如百合病脈之或弦或澹按其脇或左或右或有塊無塊皆曰痛甚檢其方諸燥藥外有服柴胡至二三兩者一二兩者察其舌或中倍或枯燥或紫赤是皆誅伐太過傷其肝腎之害也悉以前方相其傷之輕重為劑之大小數服而愈又趙氏子

年十六金氏女年十七其家皆素封病脇痛服逍遙散皆五十餘劑病益困以前方去熟地與之皆不服乃更從香燥而沒蓋地黃杞子舉世咸畏之如虎緣本草謂地黃膩而杞子實也其殺人亦多笑言醫藥者可不慎哉

陳理堂母六旬外久病脇痛每發必伏枕經旬醫所與皆香附鬱金青皮木香小茴延胡索五靈龍膽草之類或配六鬱或皆左金而已近發則腰背脹痛嘔逆

便秘口燥不眠脈則寸搏指兩關弦而乏韻此將成  
關格之候投以滋水養肺金之劑或入川楝或入川  
連只一二劑即愈戒以多服以杜其漸然性甚畏藥  
愈即止矣關格之患其將來乎

此與膈症門胡氏婦病同

續名醫類案卷二十四

欽定四庫全書

子部

續名醫類案卷二十五

詳校官太醫院醫士

臣程泰

編修

臣倉聖脈覆勘

總校官編修

臣

王燕緒

校對官編修

臣

羅國俊

謄錄監生

臣

吳啟泰



欽定四庫全書

續名醫類案卷二十五

錢塘魏之琇撰

腹痛

周漢卿治永康人腹疾痼行卿解衣視之氣衝起腹間者三其太如臂刺其一砭然鳴又刺其一亦如之

加以按摩疾遂愈

明史

薛立齋治一婦人小腹脹痛小水不利或胸乳作痛或

脇肋作脹或氣逆心忒薛以為肝火而血傷脾用四物柴胡青皮元胡索木香而愈

一婦人久患腹痛去瘀血方止而復大痛諸藥不納薛以脾胃之氣虛寒用參朮炮薑丸如黍每用數粒津嚥下後以二味濃煎漸呷而愈

通府張孟威云其妹小腹痛服附子理中湯附子服過八十餘枚此乃沈寒痼冷之甚不多有者

壬午仲冬金臺一男子患腹痛誤服乾薑理中丸即時

口鼻出血煩躁發狂入井而死

二條俱見薛案

龔子才治一婦人臍腹疼痛不省人事只一劑立止人不知者云是心氣痛誤矣方用白芍五靈脂木通去皮三味等分每服五錢水醋各半煎至七分去渣溫服

此痕痛也

李北川仲夏患腹痛吐瀉兩手足捫之則熱按之則冷

外假熱內真寒之證

其脉輕診則浮大重診則微細

外假熱內真寒之脉此

陰寒之症也急服附子理中湯不應仍服至四劑而

愈

汪石山治大坑方細形瘦年三十餘忽病腹痛磊塊起

落如波浪然晝輕夜重

病在血分可知

醫用木香磨服及服

六君子湯皆不驗診其脉浮緩弦小重按似瀉曰此

血病也前藥作氣治謬矣彼謂血則有形發時雖有

塊磊痛減則消而無迹非氣而何

此難亦不可少

蓋不知有

形者血積也無形者血滯也滯視積畧輕耳安得作

氣論耶若然則前藥胡為不驗遂用四物湯加三棱

蓬朮乳香沒藥服之其痛遂脫然

本傳

孫文垣治嚴印老長媳腹痛有小塊畧畧然腹覺冷甚  
兩寸關皆滑數兩尺沈微此脾氣弱而飲食不消又  
當秋令濕淫之候不痢亦瀉宜預防與白朮蒼朮  
茯苓甘草白豆仁木香半夏陳皮澤瀉煎服其夜果瀉  
一度次早又瀉一度小腹仍疼且裏急後重蓋其稟  
賦素虛當補中兼消兼利白芍三錢桂心一錢甘草  
人參茯苓澤瀉陳皮白朮各八分升麻葛根各六分

服後脉皆軟弱不滑。𩺰塊亦消。改以人參黃耆白朮  
白芍各二錢。炙甘草陳皮澤瀉葛根柴胡茯苓各一  
錢。調理而安。

張道南內人以飲食忤於氣。因腹痛不飲食五日矣。兩  
寸關弦尺滑。孫曰。此上焦氣虛。下有鬱滯也。以薑黃  
青皮為君。山查檳榔當歸杏仁烏藥枳殼為臣。柴胡  
木香為佐。吳茱萸為使。服後氣稍順。然後用葱二斤  
煎湯浴洗腰腹。即將熟葱擦摩。使氣通透。鬱滯外治法洗

畢即安卧少頃其夜大便通先下皆黑硬結塊後皆  
清水此積滯行而正氣虛也以建中湯加山查茯苓  
澤瀉柴胡香附薑連調理而痊

李士材治一人鬱怒之餘胸腹脹痛先服消痰疎氣化  
食之劑不效更以人參補之亦不效診之六脉弦而  
數此內有鬱熱為寒涼飲食壅之而痛用黃連三錢  
梔子一錢五分橘紅白豆蔻各二錢鉤藤木香各八  
分官桂二錢加薑汁半鍾二劑痛止四劑後加乾薑

人參而霍然

焦太史當臍切痛作氣食療之無功李診之曰當臍者少陰腎之部位也況脉沉而弱與氣食何干非徒無益反害真元以八味丸料煎飲不十日而痊

胡京卿少腹作痛連於兩脇服疎肝之劑一月以來日甚一日李診之左關尺俱沈遲治以理中湯加吳茱萸一劑知十劑起矣

柴嶼青治廣撫諱蘇昌將赴瀋陽京兆任時伊嫂腹痛



吐酸日夜轉側呼號已治未求一診以決之其脉微  
緊受寒所致並非危症何用驚惶若此蘇云昨服藥  
後稍定以方就政并屬定方柴見前方係附子理中  
湯頗合是症遂不另立

王海藏治姬提領因疾服涼劑數日遂病臍腹下大痛  
幾至于死與薑附等劑雖稍甦痛不已隨本方內倍

白芍服之愈

綱目

陸肖愚治尤少溪年近六十性急多怒因食冷粽四枚

遂患腹痛并脇亦痛醫用平胃散加枳實黃連不效彼亦知某家潤字丸方以五錢分三服令一日內服之大便已瀉而痛仍未止謂通則不痛今通而仍痛藥力淺而積未盡也再以五錢令一日服之大便數十行皆清水而痛反增劇號叫不已飲食不進面色青脹勢極危陸脉之弦細沈弱右關弦而有力曰虛中有實消則元氣即脫補則腹痛尚劇因用理中湯料五錢配枳實五錢一日二劑始下堅積在許是夜痛

大減明日減枳實之半又二劑而腹痛全愈第脇間尚微痛去枳實加青皮吳茱萸數劑而痊後以調氣養榮湯理之

張三錫治一婦人腹痛而瀉口乾面時赤乃食積也與木香檳榔丸一服去硬物愈

一酒客每日腹痛瀉黃沫知積熱也投苓連厚朴炒梔子木通澤瀉赤苓二劑少可復以酒蒸大黃為丸酒下二錢九三服遂不發

一婦人小腹塊痛醫作陰治投熱劑不應又作燥矢治者硝黃潤腸丸等藥屢用不減詢之七日前作寒起遂腹痛左三部皆絕小無力右寸關俱弦滑必起于外感內傷挾氣下早故食滯不下每痛則下黃水止作無時下傷津液故作渴遂以炒白芍茯苓保脾木香青皮疏氣炒山梔清塊中之火當歸潤燥陳皮甘草和中小水不利加澤瀉升麻車前二劑黃水雖少痛塊不減隨用蔥豉熨法復投二劑二便大去而安

陳良甫治家提幹內人病心腹脹痛衆投木香檳榔大  
腹白芍薑桂之類病益甚診之六脉弦緊而不似  
病脉但診時兩手如火以此知其熱也衆問治法曰  
大凡心腹刺痛不可便作虛冷治之或曰非冷而何  
熱即生風冷生氣是也曰不然難經云虛則痒實則  
痛又仲景曰腹痛者桂枝加芍藥湯痛甚者桂枝加  
大黃湯家云荆布素來質弱曰有可辨處遇痛時使  
一婢按之若痛止是虛寒症也若按之轉甚手不可

近叫喚異常此是實熱無可疑者當用大柴胡湯治之衆皆不許乃與責狀而投之八服愈

良方

朱丹溪治一婦人上腹大痛連及兩脇以香附末湯調而安

羅謙甫治副使覃郎中年四十九歲至正丙寅春病臍腹冷疼完穀不化足脢寒而逆皮膚不仁精神困弱診其脉沈細而微遂投以大熱甘辛之劑及灸氣海百壯三里二穴各三七壯陽輔各二七壯三日後以

葱熨灸瘡皆不發復灸前穴依前壯數亦不發十日  
後瘡亦更不作膿瘡口皆乾癸丑歲予隨朝承應冬  
屯于瓜忽都地面學針於竇子聲先生因詢穴腧曰  
凡用針者氣不至而不效灸之亦不發大抵本氣空  
虛不能作膿失其所養故也更加不慎邪氣加之病  
必不退異日因語針科忽教授亦以為然戊辰春副  
使除益州府判到任未幾時風疾半身麻木自汗惡  
風妄喜笑又多健忘語言微澁醫以續命湯復發其

汗津液重竭其症愈甚因求醫還家日久神氣昏憤  
形容羸瘦飲食無味便溺遺失扶而後起屢易醫藥  
皆不能效因思內經云陽氣者若天與日失其所則  
折壽而不彰今因此病而知子聲先生之言矣或曰  
副使肥甘足于口輕暖足于體便令足于前所言無  
不如意君言失其所養何也予曰汝言所養者正務  
快于心精神耗散血氣空虛因致此疾靈樞云人年  
十歲五藏始定血氣已通其氣在下故好走二十歲



血氣始盛肌肉方長故好趨三十歲五藏大定肌肉  
堅血氣盛滿故好步四十歲五藏六府十二經脉皆  
大盛以平定腠理始踈華容頽落髮頗斑白平盛不  
揺故好坐五十歲肝氣始衰肝葉始薄膽汁始減目  
始不明六十歲心氣始衰善憂悲血氣懈惰故好卧  
七十歲脾氣始衰皮膚已枯八十歲肺氣衰魂魄散  
離故言善悞九十歲腎氣焦藏枯經脉空虛百歲五  
藏皆虛神氣皆去形骸獨居而終矣盖精神有限嗜

慾無窮輕喪性命一失難復其覃氏之謂歟

朱丹溪治一人痛當臍綿綿不已脉弦伏無力因作挾陰治理中湯加肉桂八分附子三分煎冷服隨愈

薛立齋治羅給事小腹急痛大便欲去不去此脾腎氣虛而下陷也用補中益氣送八味丸二劑而愈此等症候因利藥致損元氣肢體腫脹而死者不可枚舉副郎李孟卿常患腹痛每治以補中益氣湯加山梔即愈一日因怒腹痛脉弦緊以前湯吞左金丸三十粒

而愈

一婦人心腹痛諸藥不應用炒黑山梔桔梗治之而愈  
傳青主治一婦妬惡夫有所昵忽患腹痛輾轉地上不

可忍其夫求先生令持敝瓦釜置婦牀前搗干杵服

之立止

劉紹文九  
晚古文

有一婦人少腹痛百藥不效一醫用杉木節童便煎服

下血而愈

醫學  
綱目

汪訥菴嘗病腹中啾唧經兩月有友人見招飲以蘆稬

燒酒一醉而積疴暢然

蘆稷最能和中煎湯溫服治霍亂如神

華佗傳有人病腹中半切痛十餘日中鬚眉墮落佗曰

是脾半腐可剝腹養治使飲藥令卧

或即麻沸散也

破腹就

視脾果半腐壞以刀斷之刮去惡肉以膏傅瘡飲之

以藥百日平復

三國志

薛立齋云壬午仲冬金臺一男子腹痛服乾薑理中丸

即時口鼻出血煩躁發狂入井而死

外科心法

趙從先治保義郎頓公苦冷疾時方盛暑俾就屋開三

天窻于日光下射處使頓仰卧揉艾遍鋪腹上約數  
斤移時日光透臍腹不可忍俄而腹中雷鳴下瀉口  
鼻間皆濃艾乃止明日復為之如是一月疾良已乃  
令滿百二十日宿疴如洗壯健如少年時趙曰此係  
真人秘訣也世人但知灼艾而不知點穴又不審虛  
實徒受痛楚損耗氣力日者太陽真火艾既遍腹徐  
徐照射入腹之功極大五六七月若秋冬間當以厚  
艾鋪腹蒙以綿衣熨斗盛灰火慢熨之以聞濃艾氣

為度亦其次也

繆仲淳治高存之長郎患腹痛問曰按之痛更甚否曰  
按之則痛緩曰此虛症也即以人參等藥用之數劑  
不愈但藥入口則痛止其痛每以卯時發得藥漸安  
至午痛復發又進再煎而安近晚再發又進三劑而  
安睡則不復痛矣如是者月餘存之疑之更他醫藥  
則痛愈甚藥入痛不止矣以是服繆方不疑一年後  
漸愈服藥六百劑全瘳人參白芍甘草麥冬當歸橘

紅木瓜萸肉黃柏鱉甲或去當歸黃柏加牛膝秦艽

棗仁石斛延胡索

廣筆記

包海亭夫人患腹痛連少腹上支心日夜靡間百藥不

效診其脉兩寸關俱伏獨兩尺實大按之愈甚詢知

其起于暴怒風木鬱于地中投以芎藭上柴胡中升

麻下下咽噎氣數十聲痛立已已而作喘曰是升之

太驟也以四磨湯與之遂平

全上

蔣仲芳治吳氏母年六十餘患腹痛日瀉五行已三

四年矣遍治不效診之二尺沈緊曰內有沈積也用

熟大黃三錢入本病藥中煎服一劑而病如失

沈抄本

示吉曰毛方來忽患真寒症腹痛自汗四肢厥冷絕諸

醫束手予用回陽急救而痊吳石虹曰此症暫愈後

必下膿血則危矣數日後果下痢如魚腦全無臭氣

投參附不應忽思三物桃花湯仲景法也為丸與之

三四服愈

沈效兄抄本

腰痛



陶弘景曰相傳有人患腰脚弱往栗下食數升便能起  
行此是補腎之義然應生啖若服餌則宜蒸曝之按  
蘇子由詩曰老去自添腰脚病山翁服栗舊傳方客  
來為說晨興晚三咽徐收白玉漿此得食栗之訣也

本草  
綱目

寶材治一老人腰脚痛不能行步令灸關元三百壯更  
服金液丹強健如前

張仲文傳神仙灸法療腰重痛不可轉側起坐艱難及

冷痺脚筋牽急不可屈伸灸曲踞兩文頭左右脚四處各三壯每灸一脚二火齊下艾炷纔燒至肉初覺疼便用二人兩邊齊吹至火滅午時著灸至人定以來臟腑自動一二行或轉動如雷聲其疾立愈此法神效卒不可量也

綱目

張子和治趙進道病腰痛歲餘不除診其兩手脉沈實有力以通經散下五七行次以杜仲去粗皮細切炒斷絲為細末每服三錢猪腰子一枚薄批五七片先

以椒薑淹去腥水糝藥在內裏以荷葉外以濕紙數重封以文武火燒熟臨卧細嚼溫酒送下每旦以無比山藥丸一服遂數日而愈

戴子和女僮冬間自途來面赤如火至瀝陽病腰膝大痛裏急後重痛則鬼神張曰此少陽經也在身側為相火使服舟車丸通經散瀉至數盆病猶未瘥人皆怪之以為有祟張大怒曰驅鬼也復令調胃承氣湯二兩加牽牛頭末一兩同煎服之大便數十行約一

二缶方捨其杖策但發渴恣其飲水西瓜梨柿等張  
曰凡治火莫如冰水天地之至陰也約飲水一二桶  
猶覺微痛乃刺其陽陵穴以伸其滯足少陽膽經之  
穴也自是方寧女僮自言此病每一歲須瀉五七次  
今年不曾瀉故如是也常仲明悟其言以身有濕熱  
病故一歲亦瀉十餘行病始已此可與智者言難與

愚者論也

凡泄瀉火  
症極多

一人六十餘病腰尻脊膂俱痛數載不愈晝靜夜躁大

痛往來痛作必令人以手槌擊至五更雞鳴則漸減  
向曙則痛止左右及病者皆作鬼神陰譴百方禱祝  
無驗淹延歲月肉瘦皮枯飲食減少暴怒日增惟候  
一死張診其兩手脉皆沈滯堅勁力如張絙謂之曰  
病雖瘦難於食然腰尻脊胯皆痛者必大便堅燥其  
左右曰有五七日或八九日見燥糞一兩塊如彈丸  
結硬不可言曾令人刺取之僵下一兩塊渾身燥痒  
皮膚皴揭枯澁如麤片既得病之虛實隨用大承氣

湯以薑棗煎之加牽牛頭末二錢不敢言是瀉劑蓋  
病者聞暖則悅聞寒則懼說補則從說瀉則逆此弊  
非一日也而沉一齊人傳衆楚人咻之乎及煎成使  
稍熱嚥之從少至多累至三日天且晚臍下泄四  
五行約半盆以燈視之皆燥糞痺塊及瘀血襍穢  
不可近須臾痛減九分昏睡如常人至明日日將夕  
始覺飢而索粥溫涼與之又困睡一二日其痛盡去  
次令飲食調養日服尊飲丸甘露散滑利便溺之藥

四十餘日乃復蓋虛結與閉雖久猶可解而決去腰脊疼痛者足太陽膽經之所過也難經曰諸痛為實又痛隨利減不利則痛何由去故凡燥症皆三陽病也病者既痊壽乃八十歲

衛德新因之析津冬月飲寒則冷病腰常直不能屈伸兩足沈重難於行步途中以牀舁程程問醫皆云腎虛用菴蓉巴戟附子鹿茸大便秘潮熱上周將經歲矣乃乞拯張張曰此十日之效耳衛曰一月亦非

遲張曰足太陽經血多病則腰似折膈如結脇如裂  
太陽所致為屈伸不利況腰者腎之腑也身中之大  
關節今既強直而不利宜鹹以軟之頓服則和柔矣  
難經曰強力入房則腎傷而髓枯枯則高骨乃壞而  
不用與此用疑同今君之症太陽為寒所遏血墜下  
滯腰間也原缺必有積血非腎也節次以藥下可數百  
行去血一二斗次以九曲玲瓏竈蒸之汗出三五次  
而愈初蒸時至五日問曰腹中鳴否曰未也至六日



覺鳴七日而起已能揖人張曰病有熱者勿蒸蒸則損人目也

饒之城中某病腎虛腰痛沙隨先生以其尊人所傳宋  
誼叔方用杜仲酒浸透炙乾搗羅為末無灰酒調下

如方制之三服而愈

樣庵  
小乘

薛立齋治一婦人腰痛三年矣每痛必青頭暈目緊薛  
以為肝脾氣虛用補肝散而愈三年後因勞役患頭  
痛兼惡心用補中益氣湯加茯苓半夏蔓荊子而愈

一婦人苦腰痛數年不愈薛用白朮一味大劑服不三月而痊乃胃氣虛閉之症故用白朮也

一婦人先腰胯作痛後兩腿亦痛薛以為足三陰虛寒外邪所傷用小續命湯及獨活寄生湯或作或止所用飲食極熱腹中方快薛曰邪氣去而元氣虛寒也診其脉果沉細用養腎散漸愈又用十補丸而痊

一婦人所患同前但發熱作渴喜冷飲食脉洪數按之遲濡薛以為血虛有熱用羚羊角散去檳榔加白朮

茯苓數劑更用加味道遙散而瘥

一婦人患前症時或腿膝作痛脉浮數按之遲緩此元氣虛而風濕所乘用獨活寄生湯頓愈又用八珍湯而安

一婦人因怒患前症寒熱往來口苦不食晡熱內熱薛以為肝火血虛先用小柴胡山梔頓愈又用加味道遙而瘥

一婦人患前症寒熱頭痛殊類傷寒此寒邪之症用檳

蘇敗毒而安又用補中益氣調補而愈

龔子材治一人跌後腰痛用定痛等藥不效氣血日衰面耳黎色龔曰腰為腎之腑雖曰閃傷實腎經虛弱所致也遂用杜仲補骨脂五味子山萸萆蓉山藥空心服又以六君當歸白朮神麴各二錢食遠服不月而瘥

張路玉治沈雲步媳常有腰疼帶下之疾或時勞動則日晡便有微熱診其兩尺皆弦而右寸關虛濡少力此

手足太陰氣衰數化之令不及也合用異功散加當歸丹皮調補胃中營氣兼杜仲以壯關節澤瀉以利州都則腰疼帶下受其益矣

江蘇總藩張公嚴冬腰腹疼重甲夜延診候脉得沈滑而駛遂與導痰兼五苓之製一劑而腹痛止三啜而腰胯弛縱自如未嘗用腰腹痛之藥

沈為在裏滑為痰駛為熱故消

導分利而愈

盧不遠治陳孟抒父六月中受寒尚淹淹未甚也至次

年二月忽小腹與腰急痛即令人緊挽外腎稍鬆便  
欲死與羌活黃柏茯苓肉桂等劑令刮委中痛止而  
足軟至五月天熱身發紫斑有汗至足乃愈此小腸  
腑病也經曰小腸病者腰脊控睪而痛以羌活入太  
陽小腸故痛隨愈其足軟未瘳者原以寒邪鬱火故  
需夏時則火力全而血脉之邪始去所以斑出足汗  
百骸暢美寒淨而火遂融通也

吳孚先治尹瑞之腰痛異常從目內眥進藥而愈或問

之曰是乃精明穴也在目內眥紅肉中上行足太陽經于腰背下應足少陰通於心腹腰背之痛從精明進藥良有奇驗古來神聖有從耳進藥者病愈而耳聾針之則愈矣

蘇頌治一女子忽得小腹中痛月經初來便覺腰間切痛連脊間如刀刺錐所刺不可忍衆醫不別謂是鬼疰妄服諸藥終無所益其疾轉增審察前狀相當即用積雪草其藥夏五月正放花時即采曝乾搗篩為

參每服二方寸匕和好醋二小合平旦空腹頓服之

每旦一服以知為度

天寶單行方  
本草綱目

張三錫治一人瘦弱性復嗜酒致腰及兩脛痛不可忍  
作腎虛治不應診之左脉濡細而數乃血虛受熱也  
遂以四物湯生地加知柏牛杜肉桂少許二劑知十  
劑已

一人因太勞又過飲酒致濕熱乘入客于經腰痛夜更  
甚不得俛仰脉濡而弱先與拈痛去參朮二帖稍愈



遂改用四物加杜仲牛膝獨活肉桂頓瘳

一人脉症同上服拈痛漸減一人改用桂附遂攻出一  
癰出膿大補消

一人肥盛而肢節痛腰更甚脉沈濡而滑知濕痰也與  
二陳加南星二朮二活秦艽防風十劑愈

一人因墜馬後腰痛不止日輕夜重瘀血諦矣與四物  
去地加肉桂桃仁泥蘇木四服大便秘下黑而痊

王叔權曰舍弟腰疼出入甚艱余用火針微微頻刺腎

俞則行履如故初不灸也屢有人腰背偃僂來覓點  
灸予意其是筋病使然為點陽陵泉令歸灸即愈筋  
會陽陵泉也然則腰疼又不可專泥腎俞不灸其他  
穴也

陳三農治一士精神倦怠腰膝異痛不可忍咸謂腎主  
腰膝乃用桂附之劑延兩月覺四肢痿軟腰膝寒冷  
遂恣服熱藥了無疑懼診之脉伏于下及重按之振  
指有力此陽盛格陰乃火熱過極反見勝已之化以

黃柏三錢膽草二錢苓連梔子各一錢五分加生薑  
七片為之向導乘熱頓飲移時便覺腰間暢快三劑  
而痛若失

立齋治一婦人患腰痛脚弱弛長不能動履以人參敗  
毒散加蒼朮黃柏澤瀉而愈

一人體厚腰間常冷與腎著湯加星半蒼朮三服全愈  
朱鶴山老年久患腰痛用茯苓三錢枸杞一兩生地二  
錢麥冬五錢人參三錢陳皮三錢白朮三錢河水二

鍾煎八分日服一劑強健再生子八十未艾

廣筆記

繆仲淳治錢晉吾文學腰痛甚診之氣鬱兼有傷瘀血  
停滯投以牛膝五錢當歸二錢五分炙甘草一錢蘇  
梗一錢五加皮三錢橘紅二錢製香附二錢續斷二  
錢水二鍾煎八分飢時加童便一大杯服二劑愈  
上全  
繆之外祖李思塘少年患腰痛至不能坐立諸醫以補  
腎藥療之不效朱遠齋者湖明醫也用潤字號丸藥  
下之去黑糞數升蓋濕痰乘虛流入腎中作苦痰去

方以補藥滋腎不逾月起惜其方傳者不真

全上

李學虬曰先安人因亡女忽患腰痛轉側艱苦至不能張口受食投以鹿角膠不愈以濕痰療之亦不效遍走使延仲淳曰此非腎虛也如腎虛不能延至今日矣用白芍製香附各三錢橘紅白芷肉桂各二錢炙草一錢乳香沒藥各七分半燈心同研細臨服下之一劑腰脫然覺徧體疼仲淳曰愈矣再煎滓服立起予駭問故仲淳曰此在素問木鬱則達之顧諸君不

識耳

廣筆記

薛治一男子年四十餘患腰痛服流氣飲寄生湯不應以熱手熨之少可蓋脉沉弦腎虛所致以補腎丸愈之

張景岳治董翁年六旬資稟素壯因嗜火酒致濕熱聚于太陽膀胱忽病腰痛不可忍至求自盡診之六脉甚洪滑且小水不通而膀胱脹急遂以大分清飲倍加黃柏龍膽草一劑小便頓行腰痛如失

劉宏璧曰一友病腰痛醫以杜仲補骨脂等治之不效  
診其脉浮細緩止知為風寒血脉耳與當歸四逆湯  
劑盡痛深次日前醫來深詆此湯之謬復進杜仲等  
藥腰痛如故怪而問之曰子或又服他藥耶友以實  
對令其再服四逆湯一貼即已

錢國賓治榆林張叅戎體厚力大素善騎射壯時縱慾  
水敗火虧腰膝如折其脉寸關浮大兩尺若有若無  
不可以揖非人扶不起已三年筋骨皆冷以六味丸

加河車膏龜鹿膠參歸桂附補其真元腎命年餘方能步又五年卒

陸茂才父年七十素有肝疾偶于春分日育王山頂燒香育王之高為湖上衆山之最晨而往晡而歸足力可云健矣至夜忽腰大痛不可轉側或以為勞傷兼感冒宜先表散與羌活秦艽等一劑痛益劇脉之弦硬參互不調二便俱秘面黯囊縮日夜不得眠曰此肝腎大傷踈洩已廢症瀕危矣豈可再投風藥以養



青湯加牛膝當歸痛畧減二便仍秘且嘔惡發呃此  
地氣不得下行而反上攻也前方重用熟地外以田  
螺獨蒜搗爛繫臍下二便既行嘔呃隨止痛忽移入  
少腹控引畢丸前方杞子至一兩再入白芍甘草數  
劑漸瘥乃素性畏藥停數日覺復甚又與數劑而安  
前陰

朱丹溪治吳江王氏子年三十歲忽陰挺長腫而痛脉  
數而實用朴硝荊芥湯浸洗又用三一承氣湯大下

之愈

本草綱目

姚蒙字以正巡撫鄒來學嘗使視脉蒙既叙病源因曰公根器別有一竅出汗水來學大驚曰此隱疾何由知蒙曰以脉得之左關滑而緩肝第四葉有漏洞下

相通來學改容謝

江南通志

薛立齋治一婦人陰中腫悶小便澀滯兩脇作痛內熱晡熱月經不調時或寒熱此因肝脾鬱怒元氣下陷濕熱壅滯朝用歸脾湯加柴胡升麻解鬱結補脾氣

升元氣又用加味道遙散清肝火生肝血除濕熱各  
數劑諸症悉愈又用四君芎歸丹皮調補肝脾而經  
水如期

一婦人陰中寒冷小便黃澁內熱寒熱口苦脇脹此因  
肝經濕熱用龍膽湯祛利濕熱用加味道遙散調補  
血氣而安矣

一婦人所患同前更寒熱嘔吐兩股腫痛先用小柴胡  
加山梔一劑寒熱嘔吐頓止次用龍膽瀉肝湯一劑

腫痛頻消

一婦人陰中寒冷小便澄清腹中亦冷飲食少思大便不實下元虛寒治以八味丸月餘飲食漸加大便漸實又月餘諸症悉愈

一婦人陰腫下墜悶痛出水胸腹不利小便頻數內熱晡熱口苦耳鳴此肝脾火症用小柴胡車前膽草苓朮升麻二劑少愈又用加味逍遙加升麻數劑漸愈乃以加味歸脾加升麻柴胡并補中益氣加山梔數

劑頓愈仍用加逍遙加味歸脾二藥調理全愈

一婦人患前症熱痛或用寒涼敗毒藥飲食不入時欲作嘔小腹重墜此脾胃復損元氣下陷先用補中益氣加炮薑二劑重墜頓愈又加茯苓半夏二十餘劑而愈乃以歸脾湯少加柴胡升麻并六味地黃丸而康

孫文垣治一婦當暑月小便不利而痛玉戶腫又便血發熱左脉弦數右寸短弱此肺氣不足肝火太熾蓋

肝為血海又主踈洩二便玉戶為肝經所絡之地治當踈決肝經壅滯俾氣暢則新血得以歸經熱解則小水可自利而腫亦可消矣以滑石三錢桃仁當歸白芍各一錢柴胡黃連人參各八分川芎六分甘草桂枝白芷各三分四劑而瘳

馬鳳林內子有隱疾每月汛行子戶旁輒生一腫毒脹而不痛過三五日以銀簪燒紅針破出白膿盞許而消不必膏藥亦無疤痕初用針刺近則以指掐之膿

即出但汎行即發上下左右無定所第不離子戶于  
今八年內外科歷治不效且致不孕孫曰此中焦濕  
痰隨經水下流壅于子戶也經去而痰凝則化為膿  
本來非毒故不痛

怪病之謂痰

用白螺蛸殼火煅存性為

君南星半夏為臣柴胡甘草為佐麴糊為丸令早晚  
服之未終劑而汎行不腫次年生女

一婦有隱疾其夫三造門而不言繼至欲言而面赭孫  
開諭之乃俛首曰言之無任主臣先生長者諒無哂

山妻子戶中突生一物初長可三寸今則五寸許矣  
狀如堅筋色赤大可拱把脹而且痛不便起止增寒  
壯熱寢食俱減赧于言欲求自盡逡巡百日矣孫曰  
乃陰挺症也厥陰肝經之脉女子下系庭孔濕熱則  
陰挺猶木有濕熱而生葦也

畢竟熱則挺  
縱不收為是

與以龍膽

瀉肝湯及蝟皮散當歸黃苓牡蠣蝟皮赤芍為末每  
用二錢空心米飲湯調下去後數月來報云前症果  
痊茲為汛期一月不至敢問曰此有身也彼疑疾甫



愈未必能孕謂曰前恙乃肝經有餘之症肝為血海  
女子血盛則懷胎據血盛當先期今汛逾期實孕耳  
非病也後果足月生子

尚某言昔在粵東與都司李某交善後李沒其妻售濠  
畔街宅與尚仍分院而居兩家往來如親串然一日  
李妻私語尚夫人有女及笄而病病且甚異欲求尚  
診而難於言夫人告尚曰與李君夙交好言之何傷  
李妻乃言女初患腹痛久之溲溺甚艱溲內有物能

游泳或二或三似有鱗鬣者取視之乃比目魚半體也身微黑止具一目其背白置水中果如所云試診之乃肝氣久鬱所致投以疎肝之劑而愈李河南人

居易錄

有寡婦患陰中痒不可告人漸至委頓此婦平日虔奉大士忽有尼僧來與藥一色曰以此洗之數洗而愈其藥乃蛇牀子吳茱萸苦參也

採蘭  
樓志

何首烏本名交藤因何首烏服而得名何首烏者順州

南河縣人祖能嗣本名田兒生而閹弱年五十八無  
妻子醉卧野中見田中藤兩本異生苗蔓相交久而  
解解合三四田兒心異之掘根持問鄉人無能識者  
遂曝乾搗末酒服七日而思人道百日而舊病皆愈  
十年而生數男後改名能嗣又與子庭服皆壽一百  
六十首烏服藥亦百三十歲唐元和七年曾文象遇  
茅山老人遂傳其事李翱因著方錄云

甘泉叢  
殘錄

富家子唐靖瘡發於陰至爛道人周守真曰病得之欲

泄而不可泄也

治法宜內服龍胆瀉肝湯外以甘草末糝之

延壽書

有人陰冷漸漸入陰囊腫滿晝夜疼悶不已用上好川

椒為末帛包裹囊如不覺熱烘熱更妙內煎大蘇湯

汁服妙陰冷兩丸如冰出汗兩脚痿弱宜補肝湯

千金

方

王節齋曰男子陰痿不起古方多云命門火衰祖氣虛

固有之矣然亦有鬱火盛而致痿者經云壯火食氣

譬如人在夏暑而倦怠遇冬寒而堅強予常親見腎

經鬱火而有此症令服黃柏知母清火堅腎之藥而效故須審察不可徧認為火衰症也

薛立齋治一婦人吐痰發熱遍身作痛小便頻數陰中作痒日晡熱甚曰此肝脾血虛氣滯而兼濕熱也用加味逍遙散加車前子而愈

馬元儀治尤悔姪患陰莖作痛痛甚而憤遂昏迷不醒幾閱月診其兩脉浮虛而澁浮為氣虛澁為精傷陰陽兩虛之候得之憂思勞鬱而傷中也經云陽明主

潤宗筋又陽氣者精則養神柔則養筋今悒鬱勞倦  
氣血兩傷故令作痛以當歸補血湯加人參炙草榮  
養氣血桂心秦艽紅花宣通血脈一劑而痛止復診兩  
脉沉微連進大劑參附諸症已平惟徹夜不寐用歸  
脾湯調理而安

有入陰腫醫以赤土塗之令服八味丸而愈一兒陰腫醫  
亦以赤土塗之愈若久病而陰腫病已不可救宜速  
灸水分穴蓋水分能分水穀水穀不分故陰腫不特

陰腫他處亦腫也尤宜急服禹餘糧丸云

既效方

陳良甫家婢患陰蝕就瘡家療不差蝕處作兩瘡深半寸良甫于涓子方中檢得甘草湯方仍以自處蚘蛇膽散不經七日瘡乃平復甚效凡救十八手下即活遇斯疾者請流布而傳之

葛氏云比見人患莖頭腫攻下瘡欲斷者以猪肉湯漬洗之并用黃連黃柏末塗之又方蜜煎甘草末塗之

千金方

立齋治一婦人陰內膿水淋漓或痒或痛狀似蟲行診之少陰脉滑此陰中有瘡也名曰匿由心神煩鬱胃氣虛弱氣血凝滯所致與升麻白芷黃連木通當歸川芎白朮茯苓柴胡煎服用搗腫湯熏洗更搽蒲黃水銀兩月餘而愈或有胞絡虛風邪乘陰血氣相搏令氣否塞致陰腫痛當以芎藭散治之更以枳實炒熱帛裹熨之冷則再炒或有子臟虛冷氣下衝致陰脫出謂之下脫或因產努力而脫者以當歸散治



之久不愈者以補中益氣湯倍加升麻柴胡升舉之  
靳閣老子陰莖腫痛服五苓散等藥不應診其脉左關  
弦數此肝經積熱而成以小柴胡湯送蘆薈丸一服  
勢去三四再服頓愈

一婦人陰器腫痛小水澀滯遇晚寒熱交作此肝經濕  
熱為患以龍膽瀉肝湯二服小水通利又以四物湯  
兼小柴胡加花粉木通山梔服之而愈

外科正宗以  
下共六案來

選入

一婦人無故發熱月餘忽陰中突出一物如雞冠一片此肝鬱脾虛所致以補中益氣湯加青皮梔苓柴胡甘草外以白芷蒼朮紫蘇煎湯每日熏洗十餘日其患漸小仍用前湯倍參朮月餘而安

一婦人陰中作痒遇夜五心煩熱作渴不寐此思慮太過致心腎不交以四物湯加龍膽草山梔知母黃連以銀杏散約入陰中二日其痒漸止又朝以八味丸午用歸脾湯加銀柴胡茵陳月餘而愈

一婦人陰器半邊腫痛身發寒熱口乾便秘脉實有力  
以內疎黃連湯一劑大便通利口乾乃止惟腫痛尤  
甚此濕毒結聚欲為膿也以四物湯加角針澤瀉二  
劑膿熟脹痛又透膿散一服出臭膿鍾許痛止以八  
珍湯加丹皮澤瀉十餘劑而安

一婦人肝經風濕下流陰器浮腫痒甚至抓出血不痛  
以消風散加苦參膽草澤瀉木通山梔外以蛇牀子  
湯熏洗搽擦銀杏散十餘日痒止腫消而愈

一婦人爛居十餘載陰器作痒出蟲含忍不言後陰器  
蝕爛已蝕內臟疔羸發熱作渴脉洪而數詢其痒痛  
日久陰器黑腐小水不禁內臟已壞不可用藥彼苦  
求治痒者蟲也痛者損也先用鯽魚數枚以香料糝  
炙魚熟以絲綿薄裹納入陰中夾之良久取出紅蟲  
長者一寸短者五六分細如絲線約二十餘條置溫  
湯中搖擺片時方死彼家惟悅以為可治曰再取再  
有生化無窮強投養血清肝藥終竟不應而死

錢國賓曰浙湖戴氏女年五歲胎生雙陰溺從上出下戶亦流因母病延診以私語言及余曰此女天生雙陰也不聞楞嚴經云五種不男之人即此類也長大經行生子如常以上竅為正從此勿疑撫養待配

鶴膝風

朱丹溪治一丈人年七十歲患脚膝疼稍腫此血虛而挾濕熱也用生地歸頭白芍蒼朮炒柏川芎桂木通水煎食前熱服

一男子年近三十滋味素厚性多焦怒秋間髀樞左右  
一點發痛延及膝髁晝靜夜劇痛處惡寒或渴或不  
渴或痞或不痞醫多用風藥兼補血次年春其膝漸  
腫痛愈甚食減形羸至春末膝腫如桃不可屈伸診  
其脉左弦大頗實寸澁甚大率皆數知其小便必數  
而短遂作飲食痰積在太陰陽明治之炒柏一兩生  
甘草梢犀角屑蒼朮鹽炒各三錢川芎二錢陳皮牛  
膝朮通白芍各五錢遇暄熱加條芩三錢為細末每

三錢重與生薑自然汁同研細多少以水盪起煎令  
沸帶熱食前飲之一晝夜四次與至半月後數脉漸  
減漸輕去犀角加牛膝敗龜板半兩當歸半兩如前  
服又與半月腫漸減食漸進不惡寒唯脚膝痠軟未  
能久立久行去蒼朮黃芩時當夏熱加炒柏至一兩  
半依本方內加牛膝春夏用莖葉冬用根杵取汁用  
之效尤速須斷酒肉濕麵胡椒當仲夏加生地半兩  
冬加茱萸桂枝

鎮江外科史姓者曾治一人鶴膝風以蝦蟇用椀鋒畧破腹有縫不可穿縛置患處待動脇移時受毒輒死如前再易一枚不過二三枚愈

戒菴漫筆李詡

孫文垣治程紹溪中年患鶴膝風兩腿及腿肚內外膿肉盡削兩膝腫大乃酒後縱欲所致且四肢膿疥淫濕臃腫自分必死家人以病久醫藥破家不復求治矣孫以隣人之親往診左寸關浮數右寸短弱兩尺沈微曰此氣虛血熱之候法當大補壯其筋骨猶可



冀生第非百日不見功蓋補血無速效必漸而需之  
關節通利骨正筋柔腿肉自生初以龜版苡仁各三  
錢蒼耳子五加皮頭二蚕沙節節香各一錢當歸人  
參黃耆蒼朮杜仲黃柏各八分紅花八分十劑而瘡  
疥漸稀精神稍長再以苡仁五加皮龜版各二錢節  
節香蒼耳子地黃丹參蒼朮黃柏首烏各一錢人參  
當歸各八分紅花朮通各五分三十帖可倚杖而行  
腿肉漸生瘡疥盡愈膝腫消去其六後以虎潛丸加

鹿角膠首烏狗脊節節香牛膝用龜膠為丸服三月  
腿肉復完而愈

薛立齋嘗治韓廷儀先患風症用疎風化痰養血之藥  
而痊其腿膝骨內發熱作痛服十味固本丸天麻丸  
益甚兩尺脉數而無力謂此腎水虛不能生肝木虛  
火內動而作非風邪所致也不信又服羌活愈風丹  
之類四肢痿軟偏身麻木痰涎上涌神思不清曰此  
皆脾氣虧損不能榮養周身又不能攝涎歸源先用

六君子加芎歸木香數劑以助五臟生化之氣以榮養周身而諸症漸愈乃朝以補中益氣湯培養脾肺夕以六味丸滋補肝腎如此三月而安

一婦人久鬱怒膝腫胸脇不利內熱寒熱經候不調遍身痠痛此胃氣虧損先用補中益氣湯加半夏茯苓二十餘劑胃氣漸醒又用大防風湯與歸脾湯膝腫漸消用加味逍遙散大防風湯全消又用八珍湯加丹皮調理而安

一婦人患前症腫痛寒熱先用大防風湯一劑又用加  
味逍遙四劑月餘腫痛漸退惑於速效另服祛風敗  
毒虛症蜂起仍用大防風為主佐以十全大補而消  
又服大補湯兩月餘而愈

一婦人患前症兩拗中腿股筋牽作痛內熱寒勢此肝  
火氣滯之症先用加味小柴胡湯四劑後以加味逍  
遙散為主佐以大防風湯而消又患痢後兩膝腫痛  
寒熱往來用十全大補湯為主佐以大防風湯而仍

消

一婦人患之雖潰而腫不消朝寒暮熱飲食不思經水  
三四月一至此肝脾氣血俱虛也用補中益氣加味  
歸脾二湯各三十餘劑腫漸消而寒熱止又佐以大  
防風月餘而能步履再月餘經行如期又服六味丸  
八珍湯三月而瘡斂

一男子腿筋弛長月餘兩膝腫痛此陰虛濕熱所乘也  
用六味丸為主佐以八珍湯加牛膝杜仲間以補中

益氣湯三月餘而消

通府劉國威先筋攣骨痛右膝漫腫用化痰消毒之劑  
腫痛益甚食少體倦加祛風消毒等藥寒熱作嘔大  
便不實用二陳除濕之類腫起色赤內痛如錐診其  
脉滑而無力此膿已成元氣虛而不能潰也用十全  
大補湯四劑佐以人防風湯一劑而潰又百餘劑而  
痊

一男子腿痛膝腫脉浮按之弦緊此肝腎虛弱也用大

防風湯二劑已退彼惑于附子有毒乃服治瘡之藥  
日漸消瘦虛症漸至復求治曰倦怠消瘦脾胃衰而  
不能營運也小便不禁膀胱虛而不能約制也燥熱  
虛痞胃氣弱而不能化也恍惚健亡精失而憤亂也  
惡症蜂集辭之後果歿

一男子患腿痛膝微腫輕診則浮按之弦緊此鶴膝風  
也與大防風湯二劑已退二三彼謂附子有毒乃服  
敗毒藥日漸消瘦復求治薛謂今飲食不為肌膚水

穀不能運化精微灌溉臟腑周身百脉神將何依夫  
氣短而促真氣損也急情嗜卧脾氣衰也小便不禁  
膀胱不藏也時有躁熱心下虛痞胃氣不能上榮也  
恍惚健忘神明亂也不治後果然此症多患于不足  
之人故以加減小續命大防風二湯有效若用攻毒  
藥必誤

一婦人膝腫痛遇寒痛益甚月餘不愈諸藥不應脉弦緊  
此寒邪深伏于內也用大防風湯及火龍膏治之而



消大抵此症雖云腫有淺深感有輕重其所受皆因  
真氣虛弱邪氣得以深襲若真氣壯實邪氣焉能為  
患耶故附骨癰疽及鶴膝風症虛者多患之前人用  
附子者以補溫腎氣而又能行藥勢散寒邪也亦有  
體虛之人秋夏露卧為冷氣所襲寒熱伏結多成此  
症不能轉動乍寒乍熱而無汗按之痛應骨者是也  
若經久不消極陰生陽寒化為熱而潰也若被賊風  
所傷患處不甚熱而洒淅惡寒不時汗出熨之痛止

須大防風湯及火龍膏治之若失治為彎曲偏枯有  
堅硬如石謂之石疽若熱緩積日不潰肉色赤紫皮  
肉俱爛名緩疽其始末皆宜服前湯欲其驅散寒邪  
以補虛托裏也

一人患鶴膝風五年數藥三日即愈王心涵傳乳香沒  
藥各一錢五分地骨皮三錢無名異五錢麝香一分  
各為末車前草搗汁入老酒少許調敷患處

廣筆記

立齋治一男子左膝腫大三月不潰謂體虛之人風邪

襲于骨節使氣滯而不行故膝愈大而腿愈細名曰  
鶴膝風遂以大方風湯三十餘劑而消張上舍亦患  
此伏枕半載流膿三月彼云初服大方風湯去附子  
一錢服二十餘劑少愈乃去附子五錢服至三十餘  
劑將愈乃去附子更以三十餘劑而痊蓋桂附當用  
而不用則無功也

王汝道膝腿腫筋骨痛服十宣散不應脉沈細以五積  
散二劑而痛止更以十宣散去桔梗加牛膝杜仲三

十餘劑膿潰而愈此寒氣之腫八風之變也

脚

蘇頌曰水氣脚氣最為急症有人患此以袋盛赤小豆

朝夕踐踏展轉之久久遂愈

本草綱目

今人多誤為相思子其實即食

豆赤黧而紫小者耳其紅大者不入藥

竇材治一人患脚氣兩脣骨連腰日夜痛不可忍為灸涌泉穴五十壯服金液丹五日全愈

一女人患脚氣忽手足遍身拘攣疼痛六脉沈大乃胃

氣盛也服宣風丸三十粒泄去而愈

張文定嘗苦脚疾無藥可療一日遊相國寺有賣藥者

得菜豆兩粒服之遂愈

瑯琊代  
醉編

劉敬叔云滎陽鄭鮮之字道子為尚書左僕射女脚患

攣癖就王僕醫僕陽請水澆之餘澆庭中枯樹樹既

生女脚瘡

樵書  
初編

鄱陽周順治一士人脚弱病方書羅列積藥如山而疾

益甚令屏去但用杉木為桶濯足及令排樟腦兩股

間以脚襠繫定月餘而安健如故南方多此疾不可

不知

邀齋  
閱覽

六七叔婆血少氣多大便後脚痛而麻用當歸白芍白  
朮青皮地黃川芎甘草桃仁煎服

薛立齋治一婦人兩脇赤痛寒熱口苦嘔吐懶食面色  
青黃此肝木乘脾土用小柴胡湯加山梔升麻茯苓  
二劑頓愈又用六君子湯加柴胡山梔全愈

一婦人飲食勞役兩脇兼腿疼痛或時寒熱薛以為脾

虛濕熱下陷用補中益氣湯加山梔茯苓半夏治之而痊後復作六君子湯加柴胡山梔全愈

一婦人經行後寒熱晡熱兩腿作痛此肝經血虛也用加味逍遙散加山梔治之而愈後因勞日晡內熱或用四物黃柏知母之類前症益甚更加食少作瀉薛以為元氣下陷前藥復傷先用六君子湯加補骨脂二劑調補脾胃而瀉止食進又用補中益氣湯升舉元氣而痊

一婦人年三十有七早孀居兩腿骨作痛晡熱體倦月經不調或發寒熱數年矣一日頸項兩側結核兩脇脹痛此係肝經鬱火而成也先用小柴胡湯合四物數劑肝症頓愈又用加味道遙散加澤蘭乳香沒藥三十劑血症漸痊再用加味歸脾等藥年餘而安一孀婦兩腿作痛或用除濕化痰等藥遍身作痛而無定處薛曰此血症也不信仍服流氣飲之類而殺一放出宮人年四十餘臀腿內股作痛晡熱口乾月經



不調此係肝經血少不能養經絡而然也宜用加味逍遙散加澤蘭葉五十餘劑諸症稍緩又以歸脾湯兼服二百餘劑而痊

一放出宮人臀腿腫痛內熱晡熱惡寒體倦咳嗽胸痞月經過期而少彼以為氣毒流注服清熱理氣之劑益甚薛曰此乃肝經瘀血停留所致蓋肝經上貫鬲布脇肋循喉嚨下循臍內臚繞陰器抵少腹主治之法但當補其所不勝而制其所勝補者脾也制者肝

也經曰虛則補之實則瀉之此定法也彼不信仍服前藥遂致不起

薛立齋治一儒者兩足發熱腳跟作痛用六味丸及四物湯加麥冬五味元參治之而愈後因勞役發熱惡寒作渴煩躁用當歸補血而安

一婦人下體腫痛用人參敗毒散加蒼朮黃柏威靈仙痛減又以四物湯加蒼朮黃柏防己紅花澤瀉而安一人足熱口乾吐痰頭暈服四物湯加黃連黃柏飲食

即減痰熱益甚用十全大補湯加麥冬五味山藥山黃而愈

吳孚先治褚仁甫病足腫虛軟無力頗能食醫與二妙散加米仁木瓜牛膝防風之屬愈服愈憊此脾虛濕熱下陷法當補脾升舉誤用下行之劑故愈陷下也凡診是症須審右寸不數并能食否如數又不能食則是痿症宜清肺熱不可不知即痿不可作痺治是也

張路玉治褚廷嘉患脚氣痼疾恒服腎氣丸不徹六七  
年來宿患懇除之乃彙取朮附桂附耆附參附等法  
兼采八風散中菊花鱉甲湯中鱉甲貝齒羚羊犀角  
風引湯中獨活防已竹瀝湯中薑汁竹瀝為丸共襄  
祛風逐濕之功服後必蒸蒸汗出不終劑而數年之  
症頓愈

沈汝楫子夏月兩膝脛至脚痛極僵挺不能屈者十餘  
日或用敷治之法不效其脉奕大而數令拭去敷藥

與當歸拈痛湯二劑汗出而愈

陸養愚治邵完吾左臀尖腫痛引至膝臃行動不便眠  
卧亦艱治療半年無效肌肉盡削診之沈弱似緩按  
之遲遲兩尺沈數曰此由元氣虛弱寒濕乘之胃氣  
不升陰火伏匿于下法當扶元升陽導濕清熱則痛  
自止用補中益氣湯加蒼朮黃柏猪苓澤瀉桂附少  
許十劑其痛頓釋後去桂附五苓倍人參歸身月餘  
肌肉漸生

張三錫治一人素有脚氣每發則引腰痛不可俛仰其  
人雄飲明是濕熱脉濡而數投拈痛湯八劑漸減遂  
以從虎丹酒下二丸空心凡三服腿腕出黑汗永不  
再發

陳三農治一人熱從脚起入腹視其形體實作濕鬱熱  
成熟之候治之以潛行散加牛膝防已丸服之而愈  
一婦積勞病兩足如火燒即惡寒壯熱頭疼眩暈齒痛  
齒浮安卧片時少減日二三發此氣血俱虛虛火妄

動所致以十全大補湯加五味四劑而愈

朱丹溪治一婦人脚疼怕冷夜劇日輕用生地白芍歸尾各五錢炒黃柏黃芩白朮右分四貼水煎帶熱服一婦人脚入骨痛用蒼朮白朮陳皮白芍各三錢木通二錢甘草五分分二服送大補丸五十粒

儒者章立之左股作痛用清熱滲濕之藥色赤腫脹痛連腰脇腿足無力此足三陰虛用補中益氣六味地黃兩月餘元氣漸復諸症漸退喜其慎疾年許而痊

府庫鍾之英兩腿生瘡色黯如錢似癰者三四痒痛相  
循膿淋漓晡熱內熱口乾面鰲此腎虛之症用加味  
六味丸數日而愈此等症候用祛風敗毒之劑以致  
誤人多矣

一男子素遺精脚跟作痛口乾作渴大便乾燥午後熱  
甚用補中益氣加白芍元參及六味丸而愈

周都憲兩腿作痛形體清癯肝脉弦數却屬有餘之症  
用龍膽瀉肝湯治之愈



一婦人兩腿作痛不能伸展脉弦緊按之則澁先以五積散二劑痛少止又一劑而止更以神應養真而能屈伸

一男子腿痛每痛則痰盛或作嘈雜脉滑而數以二陳湯加升麻二朮澤瀉羌活南星治之而安

一男子素有腳氣脇下作痛發熱頭暈嘔吐腿痺不仁服消毒護心等藥不應左關脉緊右關脉弦此亦腳氣也以半夏杜經湯治之而愈

一男子脚軟腫痛發熱飲冷大小便秘右關脉數乃足陽明經濕熱流注也以大黃左經湯治之而愈

一男子膝脛兼踝脚皆焮痛治以加味敗毒而愈

一男子兩腿腫痛脉滑而緩此濕痰所致也先以五苓散加蒼朮黃柏二劑少愈更以二陳二朮檳榔紫蘇羌活獨活牛膝黃柏而瘥夫濕痰之症必先以行氣利濕健中為主若中氣和則痰自消而濕亦無所容矣

一婦人兩腿痛脉濡而數此血虛兼濕熱先以蒼朮黃柏知母龍膽草茯苓防風防己羌活數劑腫痛漸愈又以四物湯加二朮黃柏牛膝木瓜月餘而愈

一婦人脚脛腫痛發寒熱脉浮數此三陽經濕熱下注為患尚在表用加味敗毒散治之不應乃瘀血凝結藥不能及也於患處砭去瘀血乃用前藥二劑頓退以當歸拈痛湯四劑而愈楊大受云脚氣是為壅疾治法宜宣通之使氣不能成壅也壅既成而甚者砭

去惡血而去其重勢經云畜則腫熱砭射之後以藥治之

一婦人兩腿痛遇寒則筋攣脉弦而緊此寒邪之症以五積散對四物湯數劑痛止更以四物湯加木瓜牛膝枳殼月餘而愈

一男子腿腫筋攣不能動履以交加散二劑而愈

一婦人患腿痛不能伸屈遇風寒痛益甚諸藥不應甚苦先以活絡丹一九頓退又服而瘳次年復痛仍服

一丸亦退大半更以獨活寄生湯四劑而愈

一男子素有脚氣又患附骨疽作痛服活絡丹一丸二症並瘥上舍俞魯用素有疝不能愈因患腿痛亦用一丸不惟腿患有效而疝亦得愈矣夫病深伏在內非此藥不能通達但近代始云此藥引風入骨如油入麵之說故後人多不肯服大抵有是病宜用是藥豈可泥于此以致難瘥

一男子素有腿痛飲酒過傷痛益甚倦怠脉弱以六君

子湯加山查神麴蒼朮芎歸升柴而愈

一老人素善飲腿常腫痛脉洪而緩先以當歸拈痛湯  
候濕熱少退後用六君子湯加蒼朮黃柏澤瀉治之  
而痊

一男子每飲食少過胸膈痞悶或吞酸兩腿作痛用導  
引丸二服頓愈更以六君子湯加神麴麥芽蒼朮二  
十餘劑遂不復作河間云若飲食自倍脾胃乃傷則  
胃氣不能施行脾氣不能四布故下流乘其肝腎之

虛以致足腫加之房事不節陽虛陰盛遂成脚氣亦有內傷飲食脾胃之氣有虧不能上升則下注為脚氣者宜用東垣開結導引丸開導引水運化脾氣如脾虛濕氣壅遏不通致面目發腫或痛者宜用導滯通經湯以疎導之

一婦人患腿痛兼足脛攣痛服發散藥愈甚脉弦緊此肝腎虛弱風濕內侵也以獨活寄生湯治之痛止更以神應養真丹而弗攣矣以獨活寄生丹熟四物加羌

活天麻兔絲木瓜

王執中舊有脚氣疾遇春則足稍腫夏中尤甚至冬腫漸消偶夏間依素問註所說三里穴之所在以溫針微刺之翌日腫消其神效有如此者繆刺且爾況于灸乎有此疾者不可不知

千金謂脚氣宜針灸藥三者並用史載之謂不許

其灸指迷方云若覺悶熱不得灸之

凡灸脚氣三里絕骨為要而以愛護為第一王舊有此疾不履濕則數歲不作若履濕則頻作自後嘗忌履



濕凡有水濕不敢著鞋踐之或立潤地亦不敢久須  
頻移足而後無患此亦愛護之第二義也有達官久  
患脚氣多服八味丸愈亦以脚氣衝心惟此藥能治  
有人舊患脚弱且瘦削後灸三里絕骨而脚如故益知  
黃君鍼灸圖所謂絕骨治脚疾神效信然也同官以  
脚腫灸承山一穴瘡即乾一穴數月不愈不曉所謂  
豈亦將攝失宜耶是未可知也

執中母氏常久病夏中脚忽腫舊傳夏不理足不敢著

艾漫以針置火中令熱于三里穴刺之微見血凡數次其腫如失去執中素患脚腫見此奇效亦以火針刺之翌日腫亦消後常灸之凡治此當先三里而後陽蹻等穴也

王執中患脚氣指縫爛每以茶末糝之愈他日復腫而爛用茶末不效漸腫至脚背上以為脚氣使然竊憂之策杖而後敢行偶賣藥僧者見之云可取牀薦下塵糝之如其言而愈此物不值一錢而能愈可憂之

疾其可忽哉

一人筋動于足大指漸漸上來至大腿近腰結了奉養  
且厚因酒食作此是熱傷血四物湯加酒黃芩紅花

蒼朮南星愈

宜是  
丹溪

忠州太守陳逢原傳云渠前知坊州因暑中取涼食瓜  
至秋忽然右腰腿間疼痛連及膝脛曲折不能經月  
右脚艱于舉動凡治腰脚藥服之無效兒子雲安刑  
曹偶在商熙助教處得養胃散方服之纔一服移刻

舉身麻痺不數刻間脚遂屈伸再一服即康寧  
又坊州監酒某年幾四十虛損兩脚不能行步  
試與此藥初進二錢大腿麻木遂能起立再服  
二錢大小指拇皆麻迺可行三服馳走如舊  
太室居士得此方乾道己丑歲在鄂州都幕府  
日宋判院審言久病脚膝緩弱不能行步試與  
此藥初進二錢大腿麻木遂能起立再服二錢  
大小指拇皆麻迺可行三服馳走如舊數日

來謝此疾經年無藥不服得方次日即合二服  
見效五服良愈今有力能拜起矣後數日又云  
因浴遍身去薄皮如糊肌骨遂瑩其效如神其  
方用全蝎半兩天麻三錢蒼木一兩去黑皮草烏頭二錢  
去皮脚生用黑附子二錢炮去皮臍右為細末拌勻如腎氣  
豆淋酒調一大錢豆用黑大豆能除去腰脚筋  
骨疼痛其效如神藥氣所至麻痺少時須臾疾  
隨藥氣頓愈

金山長老於張顯學甘露寺齋會上說此方渠舊患脚氣曾於天台一僧處傳方用木瓜蒸艾服之漸安後來住金山日日登陟脚復痠重又一堂衆處得此方

合服頗覺輕健勝前日方云破故紙炒舶上茴香

酒浸

一宿炒葫蘆巴

炒

牛膝

酒浸一宿

肉蓯蓉

酒浸一宿

川續斷

揀淨生用

杜仲

去粗皮薑汁製一晝夜炒令絲斷黃色用

各四兩同為細末右用艾

四兩去枝梗秤以大木瓜四个切作合子去盡瓢以

艾實之用麻綫札定蒸三次爛研和藥為丸如梧桐

子大每服五七十九溫酒鹽湯食後服

申屠府判傳脚氣流注四肢手指腫痛不可屈伸四物湯去地黃加附子八薑煎服如常法遇疾作時服之必愈

是齋云脚氣上攻流注四肢結成腫核不散赤熱焮痛及治一切腫毒用甘遂為細末以水調傳腫處又濃煎甘草一味服之其腫即散二物本相反須兩人買各處安頓切不可相和清流廳子韓詠苦此一服病

去七八再服而愈云得之牛馬牙人醫者之意正取其相反故以甘遂傳其外而以甘草引於內所以作效如磁石引針之義也

並集成

立齋治余舉人弟及二十腿膝腫痛不能伸屈服托裏藥反甚以人參敗毒散加檳榔木瓜柴胡紫蘇蒼朮黃柏而愈

施沛然治張侗初足脛痛三年矣診之兩尺沈細而澁此下焦元氣不足不能榮養筋骨宜用滋補舒筋之



劑不數服病少間會勞病復作且甚再診則脉兼浮  
數元氣愈耗矣為製人參膏及河車天乙丸間服元  
氣漸壯獨兩脛作楚

足跟瘡腫

薛立齋治一婦人素血虛因大勞兩足發熱晡熱月經  
過期或用四物苓連飲食少思胸痞吐痰用二陳枳  
實黃連大便不實吐痰無度足跟作痛曰足熱晡熱  
月經過期肝脾血虛也胸痞吐痰飲食少思脾胃氣

虛也蓋胃為五臟之根本胃氣一虛諸病悉至先用  
補中益氣加茯苓半夏脾胃漸健乃佐以六味丸補  
脾腎不兩月而痊

一婦人經候不調發熱晡熱胸膈不利飲食少思服清  
熱寬中消導之劑前症益甚更兼肢體痠痛服除濕  
化痰等藥經候兩三月一至服通經降火之劑足跟  
足趾作痛其熱如炙此足三陰虧損用補中益氣六  
味地黃兩月諸症漸退又用前湯并八珍湯兩月而

康

一婦人勞則足跟熱痛作陰血虛用八珍而痊後遍身  
騷痒服風藥發熱抽搐肝脉洪數此肝家血虛火盛  
生風以天竺膽星為丸用四物麥冬五味苓連炙草  
山梔柴胡煎送而愈

一婦人兩足發熱足跟作痛日晡熱甚此腎肝血虛用  
逍遙散六味丸五十餘劑諸症悉愈

朱丹溪治一人足跟痛疾有血熱用四物湯加黃柏知

母牛膝之類

治法

治脚汗用楊花著鞋中或如綿絮入在襪內尤佳

百一方

不能除為製萬靈膏去樟冰加韶粉蘇合油麝香以軟帛緊兩脛仍令飲甘草湯不頃刻而痛若失先是兩股傍亦傷痛用膏後并愈其方載本草綱目以意增損之後用黃耆建中湯加歸參滋養全瘳

吳橋治周千戶孫幼得軟脚疾治者以為痺也百治亡功橋診之六脉沈滑有力曰病由多服燥藥而傷脾

氣脾氣不運故積濕痰氣下陷而痰從之故足重而軟耳劑以補中去濕加草薢木瓜寄生半夏二劑減

半四劑復初

太函集

聶久吾甥年十九初患吐血用滋養清涼之劑而愈後因體虛兩足感冒風寒遍身發熱初以為內熱也仍服清火化痰藥而未經發汗散數日後遂成腳氣兩足脛及脚背腫痛又二日則兩膝痛甚不能屈伸因而遍身作熱絕似傷感且小便黃而大便澁予知其

脚氣初發也用酒大黃

二錢五分

赤苓黃芩防己茵陳

各一

錢乾葛

一錢二分

枳殼

炒

製蒼朮木瓜

各七分

厚朴前胡羌

活防風牛膝

各六分

甘草

二分

水煎空心或飢時服

足跟瘡

薛立齋治通府黃廷用飲食起居失宜兩足發熱口乾吐痰自用二陳四物益甚兩尺數而無力此腎虛之症也不信仍服前藥足跟熱痒以為瘡毒又服導濕之劑赤腫大熱外用敷藥破而出水久而不愈及用

追毒丹瘡實如桃始信薛言滋其化源半載得瘥

一男子素不慎起居內熱引飲作渴體倦兩足發熱後足跟作痛或用清熱除濕之劑更加發腫又服敗毒之藥焮赤痛甚却用祛毒清熱潰裂翻張狀如赤榴熱痛如錐內熱晡熱此因足三陰虧損朝用十全大補夕用加減八味丸外敷當歸膏兩月餘而愈其服消毒等藥而歿者不能枚舉

一膏粱之人兩腳發熱作渴左尺脉數而無力謂此足

三陰虧損防患疽不信反服清熱化痰之藥更加晡熱頭暈又服四物知柏日晡熱甚飲食漸少而發疽乃用補中益氣六味地黃百餘而愈其不信以致不起者多矣

治遠行脚腫痛方用之可行千里輕便甚妙防風細辛草烏等各為細末糝藥一法以蚯蚓塗腫處高閣起

脚一夕即愈

醫說續編

立齋治楊錦衣脚跟生瘡如豆許痛甚狀似傷寒謂獵



人被兔咬脚跟成瘡淫蝕為終身之疾若人脚跟患瘡亦終不愈因名兔囓也遂以還少丹內塞散治之少可次因納寵作痛反服攻毒藥致血氣愈弱腿膝痿軟而死蓋足跟乃二蹻發源之處腎經所由之地若瘡口不合則蹻氣不能發生腎氣由此而泄故為終身之疾況彼瘡先得于虛復不知戒雖大補氣血猶恐不及況服攻毒暴悍藥以戕賊之乎


王大國治南昌司理胡慎三左足患癰直穿脚底醫已

數易日甚一日痛楚幾絕國至命急去敷藥止服湯劑司理曰湯劑豈能生肌耶國曰願限半月全愈服至三四日瘡口漸合司理大喜纔二十日肌肉已滿

江西  
通志

柴嶼青治陳學士向山長男孝廉忽患兩足涌泉穴中俱有隱隱一青圈旋即破口出水疼痛異常延醫治之俱不識其症診之兩尺極微弱症屬少陰不足所致遂定十全大補湯乃以年少畏服力勸之服二十

餘劑而愈



續名醫類案卷二十五